

吳騷集



吳騷集

明·王穉登編



第一輯
第三十一種

據原刊本排印
貝葉山房張氏藏版

本書封面題簽：陸維釗先生

吳騷引

夫世間一切色相。儔有能離情者乎。顧情一耳。正用之爲忠憤。爲激烈。爲幽宛。而抑之爲憂思。爲不平。爲枯稿憔悴。至於纏纏一腔。難以自己。遂暢之爲詩歌。爲騷賦。而風雅與三閭諸篇。並重於世。昔史遷之傳三閭也。悲其值而大其志。謂足以兼國風小雅。而班固氏亦美之曰。弘博麗雅。爲詞賦宗。此皆窺見平情而深乎其味者。然情甯獨平哉。佳人幽客。好事多磨。繾綣縈懷。撫時觸景。聯牀同調。兩地吊天。我輩鍾情。豈同稿木。故竅發於靈。而響呈其籟。代不乏矣。漢以歌。唐以詩。宋以詞。迨勝國而宣於曲。迄今盛焉。總之以風雅爲宗。而憤激幽情。錦心慧口。相伯仲也。南國謳吟。不減江臯諷咏。三吳丰韻。類延晉代風流。詞本於騷。而地別于楚。故因弁其騷曰吳。嗟嗟。今樂府濫觴極矣。自有茲帙也。洛陽紙貴。收盡陽春冰玉。蛟螭刻成天巧。豈非造物之情。至此而一暢耶。世不乏有

情人而知吳騷之足尙也。時萬曆甲寅秋日清懶居士陳繼儒書於尙白齋

中

●吳騷合編（以下簡稱合）作「序吳騷初集」

●合無以上三字。

吳騷目錄

第一卷

二郎神

新睡起

蕭爽齋

金絡索

東風轉歲華

梁少白

六犯宮詞

瑣窗人靜

文衡山

漁父

恨只恨難逢易別

李復初

懶畫眉

寶花欄十二玉亭亭

沈青門

黃鶯兒

彈指怨東君

古調

二犯桂枝香

韶光似酒

文衡山

梧桐樹

香醪爲解愁

鄭虛舟

二郎神

相違久

梁少白



新水令

一聲孤鴈送新秋

沈青門

畫眉序犯

烟煖杏花明

陸包山

金絡索

輕烟拂柳芽

楊升菴

桂枝香

蓮壺漏啓

唐伯虎

錦纏道

滿帆風

沈青門

五拗子

鳳友鸞交

古調

刷子序犯

雲雨阻巫峽

劉東生

香遍滿

一春長病

王雅宜

新水令

水沉消盡瑞爐烟

唐伯虎

傍粧臺

幽閣百花穠

王雅宜

傾杯玉芙蓉

隔牆新月上梅花

楊升菴

步步嬌

簾捲西風重門掩

許然明

番山虎

夜雨滴空階

古調

第二卷

鬪寶蟾

點檢梅花

陳大升

新水令

一春無事爲花愁

祝枝山

四塊玉

建安才河陽貌

沈青門

金索掛梧桐

鶯停柳外聲

梅禹金

宜春令

青陽候

王百穀

香遍滿

因他消瘦

唐伯虎

普天樂

對西風愁清夜

二酉山人

山坡羊

嬌滴滴一團風味

梅禹金

針線箱

自別來杳無音信

古調

十二紅

照孤衾

沈青門

香羅帶

東風一夜冽

康對山

步步嬌

樓閣重重東風曉

唐伯虎

梁州序

廣寒清令

祝枝山

桂枝香

畫樓凭倚

吳崑麓

二郎神

寄書來

古調

二郎神

春到後

楊升菴

步步嬌

昨日春歸今朝夏

王雅宜

醉扶歸

相思欲見渾難見

王百穀

第三卷

山坡羊

春染郊原如繡

文衡山

念奴嬌序

照譙落日

王西樓

步步嬌

簾展湘紋新涼透

陳大升

集賢賓

芭蕉冷落

古調

石榴花

傷春未已

王西樓

步步嬌

紫雲臺上人少年

陳秋碧

八不就

海棠開

張琦

錦庭樂

枕兒餘被兒單

無名氏

四塊玉

四時歡千金笑

李東陽

四塊玉

武陵花春難放

文衡山

黃鶯兒

孤鏡畫愁眉

古調

十段錦

燈兒下低頭自付

張靈虛

步步嬌

暗想當年

王百穀

畫眉序

一見杜韋娘

祝枝山

好事近

兜的上心來

沈書門

宜春令

貂裘染洛下塵

梁少白

梁州序

筠窗星散

王雅宜

甘州歌

相思無底

古調

步步嬌

天涯何處迷歸棹

梅禹金

鬥室蟾

兩字鴛鴦

二西山人

第四卷

石榴花

折梅逢使

梅禹金

梁州序

西園暮景

陳秋碧

好事近

風月兩無功

古調

畫眉序

無意理雲鬢

王漢陂

步步嬌

簾控金鈎深閨悄

文衡山

月雲高

別情無限

王百穀

錦纏道

思昔日在妝樓

梅禹金

步步嬌

小曲幽坊重門啓

王雅宜

畫眉序犯

扶病倚南樓

失名

步步嬌

一夜梧桐金風剪

王雅宜

醉羅歌

恨殺恨殺無情客

古調

絳都春

情濃乍別

王漢陂

十二紅

伴孤燈

陳大升

八聲甘州

天長地久

古調

梁州序

幽香新染

祝枝山

字字錦

羣芳浣錦鮮

沈書門

喙木兒

秋歸後月正明

文衡山

二郎神犯

靜悄悄

王雅宜

吳騷集目錄

八

畫眉序

花下見妖嬈

古調

段錦

幽窗下

無名氏

鴛啼序

孤幃一點將絕燈

陳秋碧

梁州序

采明佳景

沈青門

唾窗絨附選一十五令

沈青門

吳騷集 卷一

太原 王穉登選
虎林 張琦校

二郎神

蕭爽齋

新睡起。厭輕暖輕寒。減玉肌。撚指裏。匆匆春又去。鞦韆架底。墜幾脈。盈盈紅雨。
燕子來時人未歸。聽枝頭聲聲杜宇。知何處。望斷玉勒雕輪。古道長堤。

前腔

當時花前共你新婚燕爾。憶鸞鳳嗚嗚飛綠綺。誰料名利驅人。鳳別鸞離。連理
春風。番做牆外枝。冷重門。笙歌院宇。知何處。望斷芳草。垂楊繡香堤。

集賢賓

蕭關欲待尋君去。繡鞋怎解驅馳。好似遊絲縈蝶翅。飛不過層樓十二。一江綠
水難抵。我一春紅淚。人萬里。嘆錦字。啼痕空寄。

前腔

金鈎繡簾紅半起。倚闌凝望天涯。羞見春雲催暮雨。飛過了巫山十二。一庭舞絮。都是我一腔愁緒。人萬里。嘆尺素音沉無寄。

黃鶯兒

香篋斂紅絲。拂花箋。製小詞。筆尖兒倒寫鴛鴦字。心兒頓灰。淚兒亂垂。修眉兩葉愁封翠。繡羅幃。悠悠春夢。飛過大江西。

前腔

朝露濕羅衣。傍荼蘼。折小枝。香叢忽兒見花同帶。情兒頓迷。意兒似癡。綉鞋立徧蒼苔翠。惱鶯啼。驚回春夢。不得到遼西。

貓兒墜

戍樓天外黯黯亂雲低。腸斷征人畫角吹。黃河何日洗兵車。傷悲怎禁他塵鎖粧臺。月滿空闈。

前腔

龍沙漠漠斷磧水。霏霏朔氣遙。憐冷鐵衣黑。山何日捲旌旗。傷悲怎禁他香燼。薰爐燈暗深閨。

尾聲

腰肢瘦來金蟬細。樂遊原上草淒淒。只恐歸期過綠時。

金絡索

梁少白

東風轉歲華。院院燒燈罷。陌上清明看。細雨紛紛下。天涯蕩子心。盡思家。只見人歸不見他。合歡未久難拋舍。追悔從前一念差。傷情處。慳慳獨坐小窗紗。只見片片桃花。陣陣楊花。飛過了鞦韆架。

前腔

楊花亂滾綿。蕉葉初成扇。翠蓋紅衣出水新。蓮現金爐一縷微。爇沉煙。睡起紗廚雲髻偏。無端好夢誰驚破。風外鶯聲柳外蟬。羞臨鏡。千愁萬恨對誰言。只見舊恨眉尖。新淚腮邊。界破殘粧面。

前腔

閒堦細雨收。翠幙新涼透。衰柳殘荷。正值愁時候。近來都減却。舊風流。爭奈新愁接舊愁。白雲望斷天涯遠。人在天涯無盡頭。相思病。無明徹。夜幾時休。只見鴻①過南樓。月下西樓。人比黃花瘦。

前腔

銀臺絳蠟籠。翠幄金鈎控。錦帳紅爐。獨自無人共。月明初轉過。小房櫺。不放清光照病容。愁聽畫角聲三弄。吹落梅花一夜風。關山夢。魚沉雁杳。信難通。孤眠人最怕。隆冬。正值嚴冬。做不就。鴛鴦夢。

- 合前有總題作「四時閨情」
- 合作「常樓居」
- 此處合有調名「金梧桐」
- 合有調名「東甌令」
- 合有調名「針綫箱」
- 合有調名「解三醒」
- 合有調名「懶畫眉」
- 合有調名「寄生子」
- 合作「雁」

六犯清音

〔梁州序〕瑣窗人靜。未央天遠。一似嫦娥無伴。玉容消減。教人到過芳年。〔桂枝香〕
何處流紅葉。無心整翠鈿。〔排歌〕鶯將老。恨轉添。梨花院落冷鞦韆。〔傍粧臺〕怎
如得雙雙燕子在梁間語。怎如得兩兩鴛鴦在沙上眠。〔罩羅袍〕長門望月。深巷
鎖煙。琵琶寫不盡思君怨。〔黃鶯兒〕恨綿綿。春寒尙淺。何日裏侍溫泉。

前腔

建章鐘動。上林春曉。綉帳輕寒猶峭。夢回青瑣。依然恨積眉稍。良夜愁中度。花
容暗裏消。雕欄外。望轉遙。何日得整鳳鸞交。只願着朱輪照耀雲中駕。只願着
彩燕輕盈掌上嬌。紅顏命薄。鸞館寂寥。君王那處同歡笑。好心焦。前生已誤。再
不把斷香燒。①

前腔

雕簷風煖。香堦紅淺。轉眼星移物換。等閒春散。難教玉貌常妍。睂鳥詩空在。青
鸞信不傳。慵薰燼。懶步蓮。②含情無語倚闌干。怎禁得纖腰瘦。怯愁如海。怎禁

得白晝淒涼。永似年晚涼時候。別殿管絃。奈重華咫尺無繇見。慢埋冤。從來薄命。多只是紅顏。

前腔

長生宮殿。珠簾齊捲。愛殺瑤臺月滿。銀河星燦。天孫此際成懽。競乞針穿巧。誰憐扇棄捐。釵閒鳳鏡。掩鬢西風吹鬢倍淒然。怎得簫韶共奏秦臺上。怎得得雲雨同行楚岫間。慵題紅葉。倦舞翠盤。淚痕兒界破芙蓉面。對蒼天。焚香暗禱。願結此生緣。

前腔

繡宮添線。冰壺凝箭。縱使梁園雪滿。謝庭才健。吟毫懶拂花箋。魚鑰收來晚。龍樓閉後寒。眉橫黛鬢。蟬粧成。雖好有誰憐。只愁是畫圖誤寫王嬙貌。只愁是羅帶空留白玉篇。鴛幃自守。杯酒自拈。奈新愁舊悶都難遣。倚窗前。梅花和月。應笑我孤眠。

尾聲

病容添。恩光淺。望不見。羊車來便。始信人生際會難。

●合有總題「四時宮詞」。並有作者署名。「李日華」。●合無此闕全文。●以上六字合作。「銷粧粉冷篆烟。」

漁父一

李復初

恨只恨。難逢易別。記臨岐。把歸期訂寫信。只道是真誠者。又誰知。前盟頓撇。魚書鴈信。皆沉滅。物換時移。更歲月。無言悶倚欄。向東風。錦屏花榭。傷春觸景愁城疊。追悔當初。把春心漏洩。

漁父二

纔識透。歹心腸。硬似鐵。謾臨風懊恨。咬牙鉗舌。風流事。頓成虛說。浙零零。扯斷連環結。屹喇喇。連枝輕鏟截。釵玉玲瓏。鑠也。瘦形骸。一句嗶嚨。

漁父三

記被底懽娛。香肌緊貼。脂噴檀誓盟話。素羅帕上。猩紅惹魚水。相投情意協。
似乾薪逢火烈。一團攪熟。好姻緣。俄頃變週摺。盈盈望雲山。烟水賒。怎覓得合
歡時節。

滴溜子一

明月下。明月下。金錢問徹。粧臺上。粧臺上。靈著屢撲。決難禁。長夜香奩。從不開
塵封垢結。針線慵拈。鉛華久絕。

滴溜子二

捱不過。捱不過。病危體怯。聽不得。聽不得。風簷走鐵。悲咽野猿。盡日聲聲不忍
聞。寸腸欲裂。推枕無眠。兩行淚血。

滴溜子三

何日裏。何日裏。離鸞再合。甚時得。甚時得。斷絃再接。擺設玉爐香。燕雙拜上
蒼。相思妥貼。效戲水鴛鴦。宿花蝴蝶。

尾聲

綉幃錦帳花燈檠。打疊起。愁煩生喜悅。地久長天相聚也。

懶畫眉

沈青門

寶花欄十二玉亭亭。月轉層樓。香霧凝。嬌娥有約在初更。徘徊立徧蒼苔徑。
驀被柳影風搖。幾度驚。

不是路

悄悄冥冥。只見他轉過沉香六角亭。簾櫳映。依稀環珮。夜無聲。乍逢迎。對籠雙
袖梨花冷。寶釧金寒玉腕冰。嬌癡性。却纔相逐。還相倩。戰驚不定。戰驚不定。

掉角兒

香枕挨銀泥翠屏。煖裯鋪紫藤花橙。解酥胸。釵脫珍珠。吐丁香臉。偎仙杏。怎禁
他任狂蜂。隨浪蝶。倒青鸞。顛繡鳳。喘吁廝應。親親氣命。低叫幾聲。悄一似東
風未曉。月底聞鶯。

尾聲

分明人在神仙境。一段巫山夢未醒。明夜還來花下等。

●合有總題「幽期」●合作「臺」●以上二字合作「不定」

黃鶯兒

古調

彈指怨東君。好直恁辜負人。冤家一去無踪影。花枝兒懶簪。脂粉懶勻。暗將心事蒼天問。(合)冷清清。一春過了。怎得見意中人。

前腔

無語倚閒庭。不由人不動情。花間粉蝶相隨起。鶯啼幾聲。鶻啼數聲。晚風吹落

紅成陣。(合前)

六么令犯多嬌

鴛鴦睡濃。菱荷香送薰風。懶將紈扇掩酥胸。試把窗兒推起。只見花影重。好景難逢。又見榴花照眼紅。

前腔

簾垂幾重。怎不遮欄。愁入芳容。總有美酒泛金鍾。少個人兒共飲。教我愁轉濃。好景難逢。好景難逢。又見荷花映水紅。

玉山頽犯

秋風早入庭闈。又見梧葉乍飛。薄情人。杳沒音書寄。淚彈點滴如珠。闌干悶倚。捱幾個黃昏滋味。(合)悵望人千里。伊怎知。又聽得樓頭上。嘹唳嚦嚦。數聲鴈兒。

前腔

登高負却佳期。羞覩黃花紫萸。劣冤家。戀酒迷花底。想他還其別的。尋占問卜。他許我綢繆佳配。(合前)

二犯貓兒墜

幾回猛省。發愿和你斷相思。不覺腰肢減帶圍。沉吟半嚮心轉癡。只落得背地

長吁氣瘦損呵。情人在那裏。瘦損呵。黃花怎比。

前腔

晚風吹雨。番作六花飛。江上漁翁罷釣歸。寒威透入銷金帳裏。天天怎教奴獨睡。瘦損呵。冤家在那裏。瘦損呵。梅花怎比。

尾聲

有封書。無人寄。魚沉鴈杳信音稀。盼殺多情不見歸。

二犯桂枝香

文衡山

〔桂枝香〕韶光似酒。醉花酣柳。無端幾許閒愁。博得芳容消瘦。〔四時花〕休休。雲情雨意無盡頭。三春有約君記否。倚闌干。凝翠眸。〔卓羅袍〕鶯兒有偶。燕兒有儔。青鸞孤影。教人可羞。〔桂枝香〕薄倖今何在。空餘燕子樓。

前腔

池塘晝永。薰風南送。春纖倦撥冰絃。懶把霜紈搖動。眉峯堆堆積積愁萬重。相

思往事如夢中。好姻緣難再逢。竹搖翡翠榴噴火紅。荷香浮動綠。陰正濃。自別東君後。金尊。幾度空。

前腔

月圓冰鏡。疎星耿耿。良宵院落沉沉。立盡梧桐青。影傷情。西風敗葉和雁聲。銀屏冷落秋漸深。數歸期。心暗驚。紅蓮落盡。黃花滿庭。海棠開後。望伊到今。
恨煞音書。斷秦樓怕有人。

前腔

鴛鴦。霜重。翠衾寒擁。香腮半貼珊瑚。一線紅香將凍。萍踪飄楊柳絮。心性同。無些準繩。西復東。海山盟都是空。窗兒外月。壁兒裏風。相思滋味。這回轉濃。正好朦朧睡。寒山寺已鐘。

- ①合有總題作「四時閨思」 ②以上三字合作「飄馥槐」 ③合作「尊」 ④合作「清」 ⑤合作「零」 ⑥以上八字合作「登高望遠。雲山幾層」 ⑦以上五字合作「空將別淚傾」 ⑧合作「覓」

一合有以下一段附註：「昔人謂仙呂一宮，止與羽調互用，與道宮高平相出入，其餘宮調，無令竄入。固格律之嚴，不僅爲北詞而設。若夫清新綿邈，猶屬本宮三昧。審音辨字，察調按拍，究心此道者，其留意夫嶺樵。」

梧桐樹 一

鄭虛舟 一

香醪爲解愁，酒醒愁依舊。斜月殘燈，正是愁時候。愁憑酒破除，酒被愁拖逗。酒力無多，酒去愁還又。愁深酒薄，難禁受。

東甌令

花凝恨，柳含羞。花柳傷春人病酒。鶯啼燕語清明候。全不管人消瘦。殘雲剩雨，兩悠悠。遮斷晚粧樓。

大勝樂

桃源洞花事都收。許劉郎重到否。啼痕濕透青衫袖。傷白傅，惱江州。我這裏，瑤琴罷却求鸞。奏可正是紅葉誰人寄御溝。陽臺夢杳，苦追跡問跡似。

無還有。

解三醒

忘不了共攜纖手。忘不了西園秉燭遊。忘不了同心帶結鴛鴦扣。忘不了羅襪
雙鉤。忘不了香囊雜彩親。挑繡。忘不了綺玉明珠。絡臂鞦。閒窮究。把嬌懽
美愛盡付東流。

尾聲

好姻緣難成就。繡幃錦帳共綢繆。月底新詩再和酬。

- 合有總題「春思」又「金梧桐」合作「梧桐樹」●合作「陳秋碧」●合作「後」●合作「殘」
- ⑤合作「剩」●合作「收」●合作「濕」●以上三字合作「這些時」●合作「風」
- 合作「新」●以上四字合作「百寶珍珠」●合作「還」●合作「傲」

二郎神

梁少白

相逢久。笑春來尙分飛依。舊記軟弱身兒年紀幼。重簾不捲。蕭條獨坐危樓。

爲甚麼懨懨如病酒。空恩愛未曾消受。莫淹留。更不念匆匆歲月如流。

鶯啼序

錦堂風月。今又秋。參辰還自昴西。定非關途路悠悠。不干魚雁差謬。奈花營唇
鎗戰爭。更錦陣。心兵輻輳。無共有。只落得浪傳人口。

簇林鶯

空挑鬪。難斷頭。爲高唐雲雨。收朝朝暮暮。在陽臺右。情深怎休。恩深怎丟。因
此上明知未偶。還拖逗。夢悠悠。三星天外。空戴月如鉤。

啄木兒

曾留戀。幾浪游。秋水春山常聚首。記花陰清晝。攜琴想燈前。午夜藏鬪。更憶他
修書漫捲羅衫袖。高歌半解香喉扣。訂約偷回扇底眸。

滴溜子

天台渡。天台渡。桃花水流。章臺路。章臺路。柳條報秋。誰道落人機殼。崑崙是何

處與奴施妙手。把往日恩情一旦盡勾。

水紅花犯^五

正值陽回九九。被何人苦逗遛。奈阻隔去無繇。冷颼颼。卿卿知否。多應獨倚小窗幽。束難投。重門誰扣。四五年光陰虛度。三兩行淚空流。淒淒切切。殢人愁也囉。

尾聲

景淒涼。人僂僂。相思孽債幾時休。直待要海燥江枯方罷鉤。

●合有總題作「閨思」●合作「似」●合作「竟」●合作「未」●本題以下合全無。

新水令^一

沈青門

一聲孤雁送新秋。頓教人轉添憔悴。暝烟楓葉晚。涼雨桂花秋。燕侶鶯儔。燕侶鶯儔。●甚時得重完就。

步步嬌

底事慊慊如中酒。鎮日眉常皺。浪子不回頭。着意沉吟。自也難窮究。欲訴恨無繇。把想思就裏空僂僂。

折桂令

枉耽着閒悶閒愁。不在心頭。定在眉頭。只爲你心腸忒狠。語話全浮。寄離情書何得有。待相逢夢也難求。着甚來繇。曉夜無休。又不是魚水相懽。膠漆相投。

江兒水

有意花空待。無情水自流。看從前光景都非舊。怪西風吹起滄江皺。奈浮雲點破青山秀。觸處如何消受。淚顆無端。展轉亂垂如斗。

雁兒落帶得勝令

空只恁霧鎖了金梯。翡翠樓。塵蒙了錦被。鴛鴦繡。絃絕了瑤琴。鸞鳳音。篆燼了玉鼎。狻猊獸。寂寞殺傳書白雁秋。冷淡殺流詩紅葉溝。辜負殺對影青鸞鏡。淒涼殺交歡碧玉甌。羞羞。羞殺了偷香手。愁也麼愁。愁殺了枉離魂倩女遊。

①合有總題「閨情」②以上四字合無③以上二字合無

僥僥令

涼浸閒庭宿雨收。敗葉亂盈眸。悶把年光閒屈指。看重陽又過頭。看重陽又過頭。

收江南

呀。蚤知道是這般樣情分呵。枉擲損玉搔頭。空復把翠綃封淚。寄牢收。翻做了波上一浮鷗。細思量轉羞。細思量轉羞。不覺西風吹老故園秋。

園林好

那再說鸞交鳳友。那再說鶯諧燕儔。信是虛耽生受。消盡了玉般柔。消盡了玉般柔。

沽美酒

桃花溪楊柳樓。茶蘼酒鷓鴣謳。一任烟月空濛到處留。費盡了錦纏頭。只管誇

乖俏逞風流。全不念星前交厚。全不念燈前罰呪。我呵。到如今總丟不休。雖然罪尤似讎。呀。見他時管取權顏如舊。

清江引

姻緣分定終須有。只是眼下難消受。追想別離情。豈盡成虛謬。免不得向人前問破了口。

畫眉序犯二郎神

烟暖杏花明。芳草東風燕子輕。羅袖上。傷春數點啼痕。錦被空閒。鴛帳冷。對粧臺雲鬢倦整。形孤另。撇不去半床幽夢。一枕離情。

集賢賓犯鶯兒

香肌瘦怯春病深。正海棠庭院。黃昏滿徑。瀟瀟寒月影。畫欄杆。和悶閒凭。風清露冷。空立遍碧梧金井。有離人。紫簫何處。吹出斷腸聲。

皂羅袍犯排令

漸覺腰肢寬褪。恨冤家頓忘了海誓山盟。佳期許我。梅花未生到如今。牡丹開後無音信。鬆金釧。倚畫屏。幾回日斷暮山青。思千縷。嘆數聲。野雲江樹總關情。

香柳娘犯姐姐

看銀燈半滅。看銀燈半滅。玉爐烟燼。冷清清。擁抱寒衾枕。謾傷心。哽咽。謾傷心。哽咽。蛾眉爲誰顰。玉容爲誰損。正孤眠未穩。正孤眠未穩。子規何處鳴。愁無盡。聲聲訴與離人聽。又被簷鈴將好夢驚。

滴溜子犯園林

憑誰訴。憑誰訴。默默此情。幽窗下。幽窗下。針線謾停。繡到鴛鴦交頸。又滴下相思淚。幾點濕透羅襟。空對景。謾傷情。空對景。謾勞神。

僥僥令犯鶯墜

娘行難離側。侍妾謹隨身。總有音書。無魚鴈誰肯。把針兒將線引。薄情人。須記得香羅帖上。萬種恩情。

醉翁子犯多嬌令

夜靜抱銀箏。把冰絃謾整。又彈出鶯孤燕寡。鳳折鸞分。追省恨只恨。當初花下相逢。眠底情風。又清月。又明。枉把青春。虛度了美景良辰。

尾聲

漏遲遲。昏睡醒。繡簾外。重門寂靜。深鎖着一天愁悶。

金絡索

楊升菴

輕烟拂柳芽。紅入薔薇架。病掩重門。最是春來怕。不知郎去在誰家。歌舞青樓戀着他。却恨濃雲薄雨。遮人面。怨蝶愁蜂。老歲華。心頭事短長。難寄到天涯。空教人貌減梨花。性減楊花。冷落了風流話。

前腔

荷花蕩日華。湘簟閒朱夏。燕語鶯啼。總是傷春話。晝長睡不穩窗紗。恨倚雕闌日又斜。未乾別淚。重重滴。不斷離愁。轉轉加。相思病初當。却恨是誰差。空教人

心戀葵花。眼戀榴花。問什麼行人卦。

前腔

西風捲暮霞。望裏山如畫。落葉瀟瀟。幾陣窗兒下。扶疎青鬢怨年華。粉褪朱消。只自嗟。怕人孤枕風偏冷。照我無情月似他。魂漂蕩。幾番和鴈度汀沙。空教人。嬌怯寒花。瘦怯黃花。叫着他名兒罵。

前腔

彤雲點點遮。暮雪紛紛灑。坐對寒檠。香冷黃金鴨。如今方信是冤家。害盡相思。只爲他。逢人欲問天邊信。見面終朝眼上爬。風流債多應宿世帶。嗟呀。空教人。白怕梅花。紅怕茶花。脂粉心都丟罷。

水紅花犯

正值陽回九九。被何人苦逗遛。柰阻隔去無由。冷颼颼。卿卿知否。多應獨倚小窗幽。東難投。重門誰叩。四五年光陰虛度。三兩行淚空流。淒淒切切。殢人愁也。

囉

尾聲

景淒涼。人僂僂。相思業債幾時休。直待要海燥江枯。方罷鉤。

桂枝香

唐伯虎

蓮臺漏啓。薰籠香細。寒生小閣。春殘人在。遼陽天際。鞦韆影度牆。鞦韆影度牆。無奈芳心搖曳。又度了一番花事。到薔薇。摘花浸酒。春愁重。燒竹煎茶。夜臥遲。

前腔

紅樓凝思。綠陰鋪地。輕黃落盡。蜂鬚淡粉。烘乾蝶翅。見雕梁燕兒。雕梁燕兒。呢喃學語。困人天氣。薄情的。何處章臺路。飛花襯馬蹄。

前腔

芳春將去。玉人歸未。心隨柳絮飄揚。貌與梨花憔悴。幽閨夢迷。幽閨夢迷。怎識關河迢遞。音書難寄。意如癡。怪殺雙瀾瀨。橫塘相並飛。

前腔

封侯未遇。王孫何處。綠楊葉底黃鸝。紅杏枝頭杜宇。惜芳春又歸。芳春又歸。滔滔逝水。欲留無計。漏聲遲。宿鳥驚枝處。殘燈落燼時。

錦纏道

沈青門

滿帆風吹不動。離人小船。愁重滯江邊。盼相思盈盈一水春天。我想他別時言。行時時淚眼。不繇人恨。迷離意馬心猿。說甚好姻緣。這破題兒是柳愁花怨。江關信杳然。何日覩桃花人面。怕夢魂依舊在清源。

普天樂

記銀燈。思金釧。鳳鸞交。蝶蜂戀。青樓上。青樓上。錦帳瓊筵。今番做怨鶴啼鵑。是當初偶然。再休題抱琵琶醉我花前。

古輪臺

豔陽天。隔牆花底。弄鞦韆。笑歌聲淺。孤蓬裏。有客羈棲。對此春光番惹出。

半段熬煎。燕解離愁。鶯知別怨。一雙雙宛轉話江煙。又恍似。傳消寄息。把佳期約在明年。怕只怕一灣流水。半窗殘月。幾村漁火。寂寞對愁眠。難消遣。一瓶香。羨惠山泉。

尾聲

彩雲望斷春山。遠欲寄鸞箋。鳳柬。只落得心在章臺。淚滿船。

●合有總題「泊舟逆河懷清源胡姬」●合作「史叔考」●以上四字合作「送時情。行時淚」六字。●以上四字合作「怎教人不恨」●以上一字合作「什麼」●以上三字合無。●合作「裏」●合作「逐」●以上十六字合作「轉空教留戀。簡點春風。何處是舊家庭院」●合作「是」●合作「波」●合作「沒使」●以上七字合作「魂斷長塗泣杜鵑」

五拗子

古調

鳳友鸞交。自古風流上下稍。常言道。稱心好事。豈得堅牢。花和柳。都漸老。兩好合一好。半步兒不會拋。誰想今番是你心變了。

前腔

相思惱。害得我沒分曉。恨只恨短倖俏冤家。他一去都忘了。奈魚沈鴈杳。曾記得盟香花下禱。聽信那個外人挑。起了一片陷人心。你却全不念好。

前腔

最苦是冷清清。最苦是人靜悄。最苦是悲悲切切鴈聲高。啾啾唧唧蛩韻聒。泌泌像像砧聲鬧。好教我睡不着。眼睜睜巴明。只捱不到曉。

前腔

最苦是燈殘倦挑。最苦是寂寞。更長漏香。更兒有五點敲。點點兒和着淚珠拋。天那。只被他一聲聲攪得我愁腸斷了。

尾聲

更兒敲徹鄰鷄叫。又被鐵牌驚覺。你便是作家人。也捱得不曉。

刷子帶序犯

劉東生

①雲雨阻巫峽。傷情斷腸人在天涯。奈錦字無憑。虛度荏苒韶華。嗟呀春晝永。朱扉低亞。東風靜。湘簾閒掛。②黛眉懶畫。驪宮鴉。鬢邊斜插小桃花。

普天樂犯④

燕將雛。逢初夏。夢斷華胥。風弄簷馬。閒扁了刺繡窗紗。香消寶鴨。那人在何處。貪歡耍。空辜負。沉李浮瓜。寂寞厭池塘。鬧蛙。庭院日午。⑤偏憐我。枕簟上夜涼。不見他。多嬌姹。愛風流俊雅。⑥倚欄杆。猛思容貌勝荷花。

虞美人犯⑦

①景淒涼。人瀟灑。何日把雙鸞跨。怨薄情空寄雲。②箋相思句。盡續琵琶。彈粉淚。濕香羅帕。暗數歸期在斜陽下。動離情。征雁呀呀。無奈心事轉加。③對西風。病容憔悴。似黃花。

鍼線廂犯⑧

①漸迤邐。寒侵繡幄。②蚤頃刻雪迷了鴛瓦。自恨今生分緣寡。紅爐畔共誰人。

閒話顛囁。罷托香腮。悶加。膽瓶中旋。添雪水浸梅花。

尾聲

重相見。兩意佳。憶昔傳杯弄壘。斷送了年時四季花。

①合有總題「四時間怨」。本闕題作「序犯」。②合此處有曲牌名「刷子序」。③合有曲牌名「

玉芙蓉」。④以上四字合作「山漁燈犯」。又註「或作虞美人犯誤」。⑤合作「長」。⑥合有曲牌

名「玉芙蓉」。⑦以上五字合作「普天帶芙蓉」。⑧合有曲牌名「普天樂」。⑨合作「魚」。⑩合

作曲牌名「玉芙蓉」。⑪合作「惺」。⑫以上四字合作「朱奴插芙蓉」。⑬合有曲牌名「朱奴兒」。

⑭合作「楊」。⑮合無「人」字。⑯以上二字合作「話啼」。⑰合有曲牌名「玉芙蓉」。⑱合作

「懶」。

香遍滿

王雅宜

一春長病。香肌近來偏瘦。生簾外鶯啼春又盡。薄情何處行。紅樓獨自凭。萬山

翠靄凝。祇見歸鴉影。

懶畫眉

飛花紅日點窗楞。自惜流光暗裏更。羅衫濕透淚盈盈。懶向粧臺整。憔悴紅顏怕鏡明。

梧桐樹

君行萬里程。妾守孤幃冷。自出河橋。一旦如萍梗。香奩冷落殘脂粉。淡畫春山。教我如何學效顰。幾回欲遣懨煎病。暫理冰絃。又奏出相如薄倖。

浣溪沙

伶仃瘦形。芳菲麗景。總無情。見了傷情。多才更不憐孤另。交我羞擁鴛鴦翡翠衾。妾薄命。只落得淚珠兒常滴枕。無眠展轉挑燈。

劉潑帽

自省。想尔多丰韻。過章臺。買笑千金。風流不減楊花性。眼自青。只留戀。偎紅粉。

秋夜月

忘却舊盟好。一似瓶沉井。鴈字魚書皆難聽。將人拋得無投奔。俺這裏無眠。他如何睡穩。

東歐令

排悶。擁立花陰。柳影簾櫳戶半扃。蘭膏炙盡更初分。羨蛺蝶和香寢。嫦娥斜倚玉壺冰。皎皎帶三星。

金蓮子

悶轉增。愁聞曲水流花徑。不斷絕哀聲。怎禁。又聽得那枝頭一聲聲。嗚咽夢難成。

尾聲

好涼天。重門靜。香消寶鴨夜深沉。真個是相思海樣深。

新水令

唐伯虎

水沉消盡瑞爐烟。夢驚回可憎語燕。掩重門深小院。空辜負豔陽天。花柳爭妍。

① 教人倍傷感

步步嬌

徐步閒庭試把愁懷遣。無奈金蓮倦。心中愁萬千。滿目繁華。總是離人怨。默默
悄無言。把欄杆十二閒凭遍。

折桂令

數歸期惟困春纖。纔見春來。又蚤春還。盼多才雲鬢倦整。綉線慵拈。恨東風吹
散了殘紅萬點。怨東君收拾去。光景無邊。心事綿綿。鬼病恹恹。又蚤見南窗外
新筇成竿。

江兒水

瞬息端陽至。門庭艾虎懸。想年時共賞荷亭畔。切菖蒲謾。把金尊勸。浴蘭湯
相竝搖紈扇。誰料薄情心變。一別經年。杳沒個音書回轉。

雁兒落 ④

我爲他被娘行苦白嫌。我爲他被姊妹們相輕賤。我爲他消疎了柳葉眉。我爲他清減了桃花面。我爲他滴盡了相思淚。我爲他茶飯上不週全。我爲他害了懶懶病。我爲他終夜裏竟忘眠。天天怎不與人。行方便。若得他團也麼圓。准備着誓盟香答謝天。

僥僥令

丹桂飄香出廣寒。皓魄鬥嬋娟。嘆我孤幃無人共。心自想。嫦娥也獨眠。想嫦娥也獨眠。

收江南

呀。蚤知道這般樣薄倖呵。誰待要結良緣。捱盡了衾寒枕冷夜如年。愁聞征雁過樓前。一聲聲可憐。一聲聲慘然。爲甚的冤家不把信音傳。

園林好

你緣慳奴身命蹇。別時易相逢甚難。一任雲鬢撩亂。零落了翠花鈿。憔悴了粉

容顏。

沽美酒 ①

值嚴冬陽九天。彤雲布朔風旋。只見柳絮梨花亂撲簾。獨坐在獸爐邊。烹鳳髓。羹龍涎。銷金帳共誰歡忭。不記得雙雙罰愿。我呵。到黃昏轉添悶懣。對清燈悄。然淚漣。呀。猛傷情把玉釵敲斷。

清江引

紅顏古來多命蹇。不索將人賺。恹惶兩淚流。界破殘粧面。望長安。路迢遙郎去遠。

①合有總題「閨情」 ②合有「好」字 ③合作「慢」字 ④合下有「帶得勝令」四字 ⑤合無「人」字 ⑥合作「姮」 ⑦合作「姮」 ⑧合下有「帶太平令」四字。

傍粧臺

王雅宜

幽閣百花穠。銀牀冰簟綉芙蓉。翠翹歌雀雲撩亂。水晶雙枕隨釵橫。青樓朱箔

天涯遠。隔斷巫山。幾萬重。畫廊人靜。難禁午風。飛紅冉冉度簾櫳。

前腔

含笑捧金鍾。步搖金珮響玲瓏。別來蕙帳餘清夜。銀缸花落。幾番紅。身無彩鳳。雙飛翼。何處桃源有路通。綠陰庭院。何時再逢。玉簫吹徹月朦朧。

前腔

無睡數流螢。乳鴉啼散玉屏空。舞衫清露涼金縷。層樓十二。與誰同。彩毫欲寫離情寄。羞緘鸞箋。托雁鴻。更闌香燼。朱戶懶扃。秋聲何處嚮梧桐。

前腔

那日畫橋東。朱門曾繫玉花驄。醉醒錦袖籠香晚。茗甌翻雪。小房櫳。風流回首成陳迹。愁對寒山。數點峯。闌干遍倚。相思轉濃。梅花枝上雪初融。

傾杯玉芙蓉

楊升庵

○隔牆新月上梅花。綉閣吹燈罷。驀忽地冷了瑤琴。撇下空篔簹。倚了薰籠。放了

琵琶。那些箇春宵一刻千金價。畢竟夜靜三更萬事差。人牽掛。控心猿意馬。這浮雲遊子。何日別京華。

玉芙蓉

相思夢見他。夢裏多歡耍。醒來時。依然人在天涯。鴛鴦對對成虛話。做蝴蝶紛紛過別家。奴生怕。怕那金鷄和鐵馬。悄不覺催雲送雨到窗紗。

普天樂犯

聽更籌。頻頻下。淚滴滿鮫綃帕。料多情。別有嬌娃。把我認做冤家。當初來嫁。星辰應犯孤和寡。使今朝錦帳文鴛。做了路柳墻花。

朱奴帶錦纏

鎮日裏。妝奩作啞。捱一刻勝如一夏。問張郎何日眉重畫。玉簪兒打得酸牙。覷腰瘦不堪把。饑時不飯。渴時不用茶。弄得人憔悴。一迴煩惱一迴嗟。

尾聲

海山盟。丟開罷。枉自去燒龜叩瓦。把美滿恩情做了浪滾沙。

①合有總題「擬冬閨怨」。本題「玉」。合作「賞」。②合有曲牌名「傾杯序」。③合有曲牌名「玉芙蓉」。④合有曲牌名「普天樂」。⑤合有曲牌名「朱奴兒」。⑥合有曲牌名「錦纏道」。

步步嬌

許然明

簾捲西風重門掩。落葉清珍簾。秋歸六曲闌。暮暮朝朝。前事思量遍。金鴨晚香殘。恨藍橋咫尺雲遮斷。

江兒水

曾記紅橋畔。綠水邊。似亭亭出水芙蓉豔。未吐嬌。歌眉先斂。隔花無那關情伴。脈脈楚天人遠。江上雙峯。夜夜澄波如練。

園林好

乍想像凌波洛仙。更彷彿臨春舊歡。想壁月瓊枝猶燦。又何事臥彫簷。將梅瓣貼花鈿。

川撥棹

尋常見。只合駐清都。隔紫烟。爲深盟未了塵緣。爲深盟未了塵緣。下蓬山游行。世間照雙心寶鏡圓。照雙心寶鏡圓。

五供養

秋期已半。天上宮闕。今夕何年。雙星低碧漢。瓊鳥會羣仙。露涼雲淡。正寶地花宮。願滿娟娟。華月爛。何用絳紗懸。三五風光。百千繾綣。

僥僥令

綺疏雲易散。青鳥信難傳。自笑多病臨邛。題柱客。但只對文君。澣翠箋。

餘文

紅銷鳳蠟情非淺。且點檢舊日舞裙歌扇。肯容易先將洛浦填。

情之所鍾。不根而固。聲之所動。無翼而飛。是以秦女登臺。遂簫聲而引鳳。班姬搗素。步月扇以吟秋。思婦悵別於陽春。征夫傷離於皎日。何生悲。蔡女

哀絃情以感生。文因情致。清秋多暇。追省舊遊。憶琳宮之乍遇。欣桂嶺之再逢。舊怨新恨。對月有懷。於是濡毛穎以抒思。和墨卿而揆藻。旋翻舊譜。遍按新聲。成白苧之清商。與紫囊之逸調。寫之團扇。聊繫紅絲。

番山虎

古調

夜雨滴空堦。頓使離愁縈滿懷。線脫珍珠。在我胸前揣。綉屏空自靠。鳳衾懶去。捱香消金鼎。燈昏寶臺。空房孤另守。更長夜怎捱。此際實無奈。愁盾不展開。
(合)短行喬才。行短喬才。去後音書漸乖。

前腔

冤家一去。枉自徘徊。想起他情思。謬夢魂到楚臺。又被簷鈴鬥。使奴驚覺來。不記得花前語。盟言盡數乖。空自悲。謾自揣。誰想他貪別愛。何時得再諧。(合前)

前腔

去時節春花豔色。到如今秋深節屆。全不想恩愛重如山。空教奴悶懷深似海。

惱恨喬才。枕畔無眠。累得人獨害。(合)甚曰歸來。待等歸來。錦帳鮫綃再解。

前腔

他那裏珠圍翠繞。俺這裏形骸漸衰。他那裏戀香腮。我這裏朱顏改。塵蒙鏡臺。空間寶釵。瘦得似沈郎腰。蕭條羅裙帶。病得似潘郎貌。雙鬢早白。都只爲分淺緣慳。總是妾命該。(合前)

尾聲

一床錦被空間在。萬鍾離愁怎解。怕窗外瀟瀟雨灑塔。

吳騷集 卷二

鬪寶蟾

陳大升

點簡梅花。見南枝春信漏泄。今宵雪糝糊。可堪半壓寒稍。依稀暗香動。且浮疎。英嫩又嬌。正無聊。着意看花。却又被花相惱。

前腔

清曉。眉黛慵描。整殘粧無語。向花微笑。惜花人此時音信寥寥。憑欄天寒綯袂薄。風輕繡帶飄。自今朝。一捻腰肢。寬掩翠裙多少。

忒忒令

任雪花梅英鬪巧。憔悴人暗傷懷抱。此情若與天知道。離恨比天更高。果然是天知道。和天也瘦了。

五供養

青山顧老誰收拾滿地瓊瑤蒼茫冬暮景舉目總蕭條笑我因花起蚤聽滿耳
靈禽喧噪不報些兒喜惹煎熬比風吹面利如刀

好姐姐

一交黃昏靜悄孤另另銀缸相照把燈兒慢挑和衣剛睡着誰驚覺聲寒指冷
難成調偷弄飛瓊碧玉簫

川撥棹

難猜料自來這讀書人心性喬蚤殢上金屋姿嬌蚤殢上金屋姿嬌頓忘
了臨印故交漢相如恩愛薄卓文君緣分少

錦衣香

瓏珊了錦字詩差錯了瑤琴操釵分了交股金帶折了連環套鳳凰簪蹀躞玲
瓏那得堅牢桃花源上不通潮傷心總是雨葉風條連枝樹近來也生成恨種
愁苗魚雁無消耗水闌山高紅絲繫足誰把冰刀雙攪

漿水令

不索把穹蒼禱告。一任他旁人戲。嘲盟香夜夜對天燒。憂情未訴。意攘心勞。從前誓都忘却。只求眼下他來到。鴛鴦被。鴛鴦被。重薰罽腦。銷金帳。銷金帳。共飲香膠。

尾聲

愁容等得生歡笑。愁甚麼暮冬天道。番成月夕花朝。

●合有總題「冬閨」又下有註「舊名鬥寶蟾誤」●合作陳秋碧●以上二字合作「飄飄」●以
上二字合作「蕭條」●合作「北」●合作「多」●合作「多」●合作「笑」

新水令

祝枝山

一春無事爲花愁。對東風轉添憔悴。盼多才難割捨。對景慢追遊。歲月如流。歲月如流。●心上事今非舊。

步步嬌

獨掩紗窗空把香囊綉。無語沈吟久。香闥淚暗流。自恨無緣。將好事難成就。何處訴離愁。淚珠兒濕透羅衫袖。

折桂令

這幾日爲傷春懶上粧樓。新事兒一一難留。對人前把精神強抖。飲食不週。想當初實指望天長地久。到如今空惹下蝶怨蜂愁。情思悠悠。無了無休。空辜負畫堂前柳媚桃嬌。挨不過繡幃中日暖風柔。

江兒水

玉腕常虛溜。湘裙過掩頭。今春更比前春瘦。見雙雙燕子歸來後。悶懨懨鬼病相纏守。無限淒涼僂僂。靜掩重門。捱幾箇黃昏時候。

雁兒落

空對着碧溶溶。一影篝。暗數着靜悄悄。三更漏。圍伴着薄怯怯。翡翠衾。空倚着香馥馥黃金獸。纔要做一個團圓夢。又被那子規聲在窗外頭。看看月轉過牽

纏架又被那鶯聲送我愁。休休。再不索閒窮。甚的因繇。不是冤家不聚頭。
僥僥令

繡幙珠簾懶上鉤。日午倦梳頭。一任釵橫雲鬢亂。淚灑春山兩臉愁。

收江南

呀。蚤知道這般樣。春光虛度呵。何日裏訴離愁。俺只見過時桃杏不經秋。你如今好休。俺如今好丟。只恐怕文君不比舊風流。

園林好

海山盟全不應口。說的話都成怨讎。負心的蒼天不祐。須有日看傍州。須有日看傍州。

沽美酒

嘆春光似水流。嘆春光似水流。不覺的一年休。俺只見雨雨風風暗結愁。紅雨散綠雲收。鶯儔燕子報新秋。不明白冤家拋人在腦後。甚日裏得佳期成就。不

記得拈香設呪。我叫俺和你志投意投。那些兒不投。呀。要相逢甚時能覓。

清江引

多才不來添煩惱。自覺香闌悄。懨懨病轉加。害得沒分曉。一天愁待他來都散了。

●合有總題「閨怨」。●合有「好」字。●合無以上四字。●合作「所」字。●以上二字合作「消受」。●合下有「帶得勝令」四字。●合作「曉」。●合作「尾聲」。●以上二十七字合作。「空傳愁。幾回凝望斷。雙眸。何日看花潑水洲。」

四塊玉

沈青門

建安才。河陽貌。從一去却怎。無消耗。別時節。淑景初交。驀又把芳時過了。三秋易到可。意人難到。觸處無端成懊惱。對瑤琴玉軫愁調。向粧臺蛾眉怕掃。寄香囊繡字慵挑。

雁過聲

無聊況復湊巧。風和雨縱橫。正飄時。問鐵馬偏咕噪。夢難成。恨難熬。更漏聲將盡。譙鼓頻敲。鷄聲又早。寒蛩抵死在窗前。哨不繇俺。愁悶攢更直到曉。

傾盃序

蕭條爽漸生。暑漸消。塞雁又呀呀叫。看滿徑黃花。滿林紅葉。滿地蒼苔。心轉焦。有誰憐瘦損。幾番夢醒。畫眉人杳。不繇人不。怨殺暮暮更朝朝。

玉芙蓉

參差玉珮搖。恍惚銀瓶掉。好姻緣。做了有下無稍。峯頭夢斷難重到。洞口花開。怎再邀。把些恩和愛。如鹽在浪淘。奈江深沒底枉徒勞。

山桃犯

寫罷了回文稿。打疊起離鴻調。愁來待把菱花照。須知不似前春好。畫圖如寄。應饒笑。傍丹青時復擎管羞描。

尾聲

孤辰限。豈自招。知甚日。于飛相效也。免得兩下東西似伯勞。

●「四塊玉」合作「普天樂」。又有總題「擬秋閨思」。●合無以上二字。●合無「俺」字。●合有「教

人」二字。●以上二字合作「碎難熬」三字。●合無以上一字。●合作「小桃紅」。●合作「雖」。●九以

上二字合作「難肖」。●合無以上三字。●以上十二字合作「願天應作保。且把香來着意燒。」

金索掛梧桐

梅禹金

鶯停。柳外聲。燕遶梁間語。萬紫千紅。水面飄香絮。憑欄細把花期數。九十春
光。一點知何處。一寸柔腸。萬縷還千緒。那堪幾陣無情雨。

東甌令

天涯路。老麝蕪。舊日王孫歸去途。吳歌越吹青樓暮。多少銷魂處。東風無力倩
誰扶。羞傅粉。怨調朱。

阜羅袍

冷落綠窗朱戶。漸凋零。寶馬香車。茶蘼香霧。怯羅襦。桃花歌扇閒金縷。一簾

春夢偏驚杜宇。④芳心似共春無主。

尾聲

把歡娛休孤負。只待滿身花影。倩人扶醉倒黃公舊酒壚。

●合作「梧桐樹」有總題「春日題情」●合作「啼」●合有「紫陌」二字●合有「孤幃冷落誰

堪伴侶」八字。

宜春令

三首 穀 ●

青陽候。烟雨淋。嘆東風吹人鬢星。陰晴難定。扶桑久罨。羲和影。怪鶴符不住。悲鳴。恨蛇醫。因何有准。堪憐韶光如錦。一時都盡。

太師引

玉驕驄。迷却天台徑。問劉郎何由去行。說甚麼鶯簧如奏。最苦是蛙鼓喧吟。窗風簷溜聲相應。料樹底殘紅成陣。消磨處詩囊酒樽。時常向書齋獨理瑤琴。

瑣窗寒

冷瀟瀟多少關情。不見西廂待月人。看烟迷楚瑟，霧縠秦箏，紅愁綠慘，縈人方寸。好風光暗中消損。可憎梨花寂寞，閉深門。說甚美景良辰。

三段子

驀然上心憶。龐兒桃花樣新。黯然斷魂。憶腰兒柳條樣輕。花間曾把香肩並。星前曾把山盟訂。一別陽臺。棲遲到今。

東甌令

流蘇帳。翡翠屏。金屋誰藏漢苑春。情多誰附青鸞信。睡覺梅花冷。悠悠心病上眉痕。此病竟何曾。

三換頭

佳期久堙。光陰虛迅。青鸞去也。竟茫茫彩雲風流都盡。這些時只索把青衫來搵。何從覓玉人。想像嬌姿。喜殺他一笑。嫣然百媚生。

劉潑帽

仙源咫尺難通訊。似九嶷遙隔湘雲。鴻都妙術無憑準。莫心驚語燕來相逞。

大聖樂

記當初帶綰同心。這都緣宿世姻。豐城雄劍雌相應。爲恁的一時分。我思如葦
蕩千重來。思逐梅花一夜生。情傷意憫。忍見那花留寶靨。草颺羅裙。

三學士

誰道青裳能解忿。縱文蕪頓覺銷魂。竹欄怕覩湘妃筍。蕉葉愁看美女心。鬱鬱
宜男間滿徑。偏攪亂惜花心。

解三醒

恨雷師烈烈驚人。憶月姊廣寒孤另。風姨慣惹離人恨。把牛女隔天津。怎做得
襄王好夢歸巫峽。空有子建高情賦洛神。重思省。猛記得羞鬆金釧。笑剔銀燈。
節節高

相思計莫伸。叫真真。畫圖寂寞全不應。鸞釵損。蝶夢驚。蜂媒冷。燈前錯把羅裳

認枕邊猶有餘馨剩。何時完就美前程。粧樓重挽雙鴛頸。

大逐鼓

雲山幾萬層。自無許俊。謾說崑崙牆頭。深鎖紅綃影。章臺不耐柳條青。人去秦樓。空餘鳳聲。

撲燈蛾

晴天錦綉紋。花鳥相輝應。何似別離人。不得長相歡慶。也看香餘粉剩。安排玉杵待雲英。仗花箋傳情寫恨。還相倩。管教開閣引書生。

尾聲

風流偏惹風流悶。有日春回茜草裙。拚做個太白輕攜梁玉隱。

●疑「王百穀」之誤。

香遍滿

唐伯虎

因他消瘦。春來見花真箇羞。羞問花時還問柳。柳條嬌又柔。絲絲不綰愁。幾

回暗點頭。廝那④我眉兒皺。

懶畫眉

無情歲月去如流。有限姻緣不到頭。慳慳春⑤病幾時休。綉戶輕寒透。十二珠簾不上鉤。

梧桐樹犯

①黃鶯似喚儔。紫燕如呼友。浪蝶狂蜂對對還尋偶。(針線箱)②無端故把人僂懣。一片身心教我如何得③。自繇梨花細雨黃昏後。靜掩重門。只與燈兒廝守。

浣溪沙

我容貌嬌。他年紀幼。那其間兩意相投。琴心宛轉頻挑逗。詩謎包籠幾和酬。他去久。有些箇風聲兒。未真實。向④人前⑤須問箇因繇。

劉撥帽

浪遊那里也。青驄驟向吳姬賣酒壚。頭烏絲醉寫。恨紅袖。廝逗留。半霎兒渾忘舊。

秋夜月

恩變做讎。頓忘了神前咒。耳畔盟言皆虛謬。將他作念他知否。他待要罷手。我何曾下口。

東甌令

難消悶。怎忘憂。抱得秦箏上翠樓。絃聲曲意皆非舊。淚濕了春衫袖。青山疊疊水悠悠。何處問歸舟。

金蓮子

別時。留香羅半幅。詩一首。做一箇。香囊兒緊收。怕見那綉鴛鴦。一雙雙交頸。睡沙頭。

尾聲

等待他來時候薰香重整舊風流。把往事從前一筆勾。

●合有總題「香遍滿」①合作「陳秋碧」②合作「日」③合作「似噴」④合作「鬼」⑤合有曲牌名「梧桐樹」⑥合無此曲牌名⑦合作「如何教我」⑧合作「見」⑨合無上一字⑩合無也⑪字⑫合作「表記」⑬合作「衾裯」

普天樂

二番山人

對西風愁清夜燈兒影半壁明滅。擁寒衾怕聽吹笳似訴我離人悲咽。嘆桃渡迷恨藍橋絕。意嬌癡魂驚怯。怪佳期咫尺雲遮。倩誰傳我柔腸萬結。念多情枉勞魂夢飛越。

雁過聲犯

堪嗟月照窗斜。更簾兒外鐵擊叮噹。隨風掣數盡更籌。那人來那些冷繡被銷紅頰。望迢迢秦樓路賒。更寂寞簫聲徹。從今後相思淚濕都化做啼鵲血。

傾盃序

輕別忍下得義絕。空自想題紅葉。鴈字魚書。蟬鬢蛾眉。鳳侶鸞儔。盡已消歇。不
想畫樓人靜。小窗月滿。蕙帳低揭。乍相逢。一時恩愛頓歡悅。

山桃犯

夢蘭時愁重疊。憶盟言空相設。瘦損纖腰。寬褪綉裙褶。誰道驩娛。又已成磨滅。
料兒郎不戀閒風月。多應是路阻巫峽。

尾聲

拭啼痕。心應折。這相思。何時寧貼。做到死。春蠶絲始絕。

山坡羊

梅禹金

嬌滴滴一團風味。熱急急萬般情意。俏婷婷柳絮隨風。軟怯怯一似梨花雨。分外奇。輕分。燕子飛。風流雅調不是尋常趣。卻笑洛水湘波。空教魂夢迷。堪題
總飛煙也不如。還疑。比紅兒也不如。

玉交枝

粉塋香膩。淡春山灣灣。兩眉金波眼底。生秋水。燦香痕。一點唇朱。搗箏十指如
王飛^④。輕歌一曲。春聲細。落花輕。筵前舞衣。飛檀屑。枕邊笑語。

忒忒令

透骨髓。風流怎醫。牽魂夢相思忒迷^⑤。因此上春心賺入鴛鴦計。怎肯忘恩義。
掌上珠。心頭氣。料情難轉移。

好姐姐

共結嬌香嫩蕊。願世世在天在地。天長地久。此情不暫離。旁人計^⑥。隨他舌劍
唇鎗利。怎忍得耳畔心頭生是非。

川撥棹

星前誓。慘可只可只自知。但願得兩下常依。但願得兩下常依。把恩情似山高水
低。山樣高。無了期。水樣深。無盡底。

十二時^⑦

鴛鴦帶縮。鸚鵡翼把別樣風情再莫提。輸却我半世真心都在你。

●合有總題「麗情」●台作「翻」●合作「讓伊」●合作「玉菱」●合作「癡」●合作「忌」●合作

「尾聲」

針線箱

自別來杳無音信。昨夜裏燈花未准。五行中合受淒涼運。真個是惱人方寸。有時節獨立在垂楊下。可奈枝上流鶯和淚聞。(合)愁悶損縷金衣上。一點點都是啼痕。

前腔

過一日勝似三春。看看的春光將盡。害着不疼不痛懨懨病。漸覺道帶圍寬褪。正是落紅滿地胭脂冷。早雨打梨花深閉門。(合前)

解三醒

待寫下滿懷愁悶。更說與外人不信。迴文錦詞徒織就。倩誰訴與斷腸人。幾番

待撇尋思別事因爭奈一夜懽娛百夜思〔合〕今番病非因害酒只爲傷春

前腔

海棠嬌等閒憔悴損又不見當時花下人東風不管離人恨苦吹散楚台雲如癡似醉悠悠勞夢魂恨不得飛上青山立化身〔合前〕

尾聲

恨薄情無憑准終朝思省淚珠傾這樣傷春誰慣經

十二紅

〔山坡羊〕照孤衾寒燈半滅捱譙鼓三更初歇要什麼夢兒中見他蚤醒來添箇新離別〔五更轉〕恨鐘聲和鷄唱催殘月幾番眼上眼上空流血守着露冷霜寒衾枕何曾寧貼〔忒忒令〕轉流鶯枝頭韻切催花雨朝來凜冽寒料峭曉風把繡戶偏推拽〔江兒水〕惱人半晌心頭熱剩枕閒衾堆疊雲鬢鬆掙不住起來嬌怯〔玉交枝〕香奩頓撇剖雙鸞菱花半缺瘦龐兒粉褪胭脂謝賣花聲空自嘔咽

〔五供養〕你看雲收雨歇。弄新晴花影半斜。時過五十刻。腸斷兩三折。情在心頭。人還離別。〔好姐姐〕生惹相思週折。●挨一刻如挨半月。〔玉山頽〕沉思倦想。忘却坐來時節。暮雲扶日色。又回車。疎林掩映夕陽遮。〔鮑老催〕登樓慘切。爭喧渡頭人歸也。恨他何處貪歡悅。〔川撥棹〕看投林鳥疾如梭。不暫歇。照紗窗又見新月。照紗窗又見新月。〔嘉慶子〕更照我孤星偏皎潔。把相思空掛唇舌。把相思空掛唇舌。幾箇黃昏經挫折。〔僥僥令〕却憐更漏永。那得繡衾熱。展轉無眠成瘦怯。便合眼莊周飛浪蝶。

尾聲

十二時中成萬結。奈離別經年動月。却教我晝夜思君空自說。

●合有總題「閨怨」合有作者署名「林石崗」●以上二字合作「病拙」

香羅帶

康對山

東風一夜冽。雲收雨歇。傷心怕見窗外月。嘆姮娥獨守廣寒闕。也爲我多愁處。

照離別。更長漏永燈半滅。(合)便做挫折金針也。解不得我愁腸千萬結。

前腔

愁腸千萬結。實難打疊。新愁舊恨都莫說。怎捱過今夜這時節也。只見雕牀靜。
綉幃揭。無言怕聽。窗外鐵。(合前)

醉扶歸

鶯儔燕侶恩情絕。鸞交鳳友頓拋撇。本是韓朋塚上兩鴛鴦。番做了莊周夢裏
雙蝴蝶。(合)曾和他綉帶結同心。反教我翠袖沾紅血。

前腔

雲鬟散亂金釵折。腰肢瘦損絳裙摺。誰想燈花不准鵲聲空。再來不把金錢跌。
〔合前〕

香柳娘

嘆陽關唱徹。嘆陽關唱徹。井梧飄葉。把佳期望到梨花墜雪。這深盟永訣。這深

盟永訣。秦期晉約。都成吳越。(合)要相思安貼。要相思安貼。直待黃河水竭。秦山崩裂。

前腔

奈衡陽信絕。奈衡陽信絕。綢繆喜悅。如今博得個憂愁慘切。想音調韻叶。想音調韻叶。香偷玉竊。如今博得悲啼哽咽。(前合)

尾聲

啼痕界破桃花頰。蛾眉蹙損遠山月。縱使蠟燭成灰心尙熱。

●合有總題「閨怨」●合有「那」字●以上八字合作「做了花殘月缺」六字。

步步嬌

樓閣重重東風曉。玉砌蘭芽小。垂楊金粉消。綠映河橋。燕子剛來到。心事上眉梢。恨人歸不比春歸早。

醉扶歸

冷淒淒風雨清明到。病懨懨難禁這兩朝。不思量寶髻插桃花。怎當他綉戶埋芳草。無情挈伴踏春郊。鳳頭枉綉弓鞋小。

卓羅袍

堪嘆薄情難料。把佳期做了流水萍飄。柳絲暗約玉肌消。落紅惹得朱顏老。情牽意絆。山長水遙。月明古驛。東風畫橋。俏冤家何事還不到。

好姐姐

如今瘦添楚腰。悶懨懨離情懊惱。落花和淚做了一樣飄。知多少。花堆錦砌。猶堪掃。泪染羅衫痕怎消。

香柳娘

隔簾櫳鳥聲。隔簾櫳鳥聲。把人驚覺。夢回蝴蝶巫山杳。我心中想着。我心中恨着。雲散楚峯高。鳳去秦樓悄。怕今宵琴瑟。怕今宵琴瑟。你在何方弄調。撇得我紗窗月曉。

尾聲

別離一旦生芳草。畫棟梁空落燕巢。可惜粧台。人自老。

●合有總題「怨別。合有作者署名「唐伯虎」。●合有「空教」二字。

梁州序

廣寒清冷。瑤堦風露。幾許春愁難訴。雲收雨斷。晚來枕簟羞鋪。空憐長缺。待得團圓。又被風塵阻。世間偏是我命兒孤。誰問相思病有無。合。經年恨。青春悞。香闌長夜。天涯路。心上事。好辜負。

前腔

蒼苔寒綠。簾櫳香霧。黃昏人立庭梧。只見輕雲冉冉。長空幾點沉浮。祇怪三星在戶。千里驚心。夢入關河阻。樓台春寂寂。浸冰壺。悶倚雕欄淚欲枯。合前。

前腔

恨雙魚音問全無。似銀河終年間阻。看長途迢遞。樹烟山霧。閃得朱門靜悄。金

屋蕭條。人怨長門賦。紗窗花影轉。夜如何。剩枕間。衾病較多。(合前)

前腔

嘆清光何地曾無。畢竟是照他照我。偏是他今夜裏共誰歡娛。我把蒼苔立遍。羅袂生寒。隱忍心頭苦。暗將當日事問嫦娥。誓海盟山竟若何。(合前)

節節高

相逢分有無。強支吾。銀缸寶篆開朱戶。添悽楚。綠鬢枯。紅顏妬。曉開粧鏡花羞靚。悞人脂粉何曾傳。(合)可憐憔悴月中人。慣牽愁恨天涯路。

前腔

風流惹恨多。記當初。曾教分入姻緣簿。成虛度。離恨窩。相思譜。懨纏冤債風塵妬。何時了釋從前苦。

尾聲

天邊月冷心頭苦。這淒涼分明是他負我。只落得人月如今一樣孤。

桂枝香

吳崑麓

畫樓憑倚。綉窗凝思。靜聽午夜更籌。數盡了一春花雨。心中自思。心中自思。與你何時相會。使我芳容憔悴。薄情的。約在元宵後。朱明又近矣。

不是路

燕子飛飛。掠水來尋梁上棲。這的是鳥無知。尙尋着危巢舊壘。可以人而不鳥。如昏沉睡。那堪亂亂愁千縷。除是朦朧一夢裏。教我如何是。看看瘦削溫香體。甚藥能治。縱有妙藥難治。

長拍

淡淡湘山。淡淡湘山。悠悠漢水。頃刻間。暮雲遮住。這是五行八字。命運中合受分離。對鏡自支頤。怎禁那一點點粉容消膩。兩蹙愁眉不住鎖。分明是霧擁高峯。難展舒。空教奴立化做了望夫石。又不知天涯浪蕩子知也不知。

短拍

簪解螭頭。簪解螭頭。釵分鳳尾。不成雙。見了傷悲。誰與我訴。淒其縱有鸞箋象管。難寫我萬愁千緒。若遇多才。傾倒似花向春。皓月重輝。

尾聲

鵲聲噪。行人至。從此與你同行共止。再不放你獨自離家不肯歸。

二郎神

寄書來。花箋上都是斷腸詩。心事如同理亂絲。爭奈紙短情長。寫不盡兩字相思。和淚封來。須看取。試看那封皮兒上。都是淚漬。從伊去。這些時。懨懨鬼病。坐想行思。

啄木兒

他比楊花性。上下飛。何處沾泥襯馬蹄。他那裏有萬種恩情。俺這裏一天愁緒。風流減盡雙頤。瘁。春山蹙損雙眉翠。幾度臨鸞懶畫眉。

三段子

陽關別離。問歸時。尙未有期。陽台路迷。楚襄王何時會伊。當初自恨無才思。別離容易輕分袂。追想從前。悔之又悔。

前腔

秦期晉期。路迢迢。魚沉鴈稀。鸞兮鳳兮。在天涯。翱翔甚時。白茫茫。溢起藍橋水。焰騰騰。祆廟都焚廢。到今日。蠶老心中更有絲。

滴溜子

何日裏。何日裏。京兆畫眉。怎能彀。怎能彀。何郎粉施。頓使花容憔悴。潘郎鬢已絲。瘦比楚腰尤細。幾番血淚。錯認做臉上胭脂。

尾聲

相思相見知何日。夢見多來相見稀。一日思君十二時。

二郎神

楊升菴

春到後。正三五。銀蟾影乍圓。深院裏。誰家吹玉管。紫姑香火。聽一叢士女聲喧。

欲擲金錢暗卜歡。爭歸期難算。(合)遠如天。真個是斷腸千里風煙。

前腔

嬋娟從別後。萍流蓬轉。多病多愁。相思衣帶緩。記名園花底笑。挽鞦韆。回首雲程隔萬山。燕來時黃昏庭院。

集賢賓

東風芳草競芊綿。何處是王孫故園。夢斷魂勞人又遠。對花枝空憶當年。愁眉不展。望斷青樓江苑。(合)離恨滿。這情踪怎生消遣。

前腔

海棠經雨。梨花禁烟。買春愁滿地榆錢。雪絮成團。簾不捲。日長時楊柳三眠。樓高望遠。空日斷平蕪如剪。(合前)

黃鶯兒

晴日破朝寒。看春光到牡丹。閒將往事尋思遍。玉砌雕闌。翠袖花鈿。一場春夢

從頭換惡姻緣。雲收雨散，不見錦書傳。

前腔

鶯語巧如絃。趁和風，度枕函。聲聲似把人喚。衷腸幾般。夢魂那邊。一春憔悴誰相伴。(合前)

琥珀貓兒墜

紅稀綠暗。正是惱人天。一片春心怯杜鵑。千般別恨懶調絃。潛然對天涯萬里。落日山川。

前腔

水流花謝。春事竟茫然。都只因春帶愁來到客邊。怎奈春歸愁不與同還。(合前)

尾聲

九十春光。虛過人眼。憔悴慵將鏡看。且倒金樽花前學少年。

步步嬌

王雅宜

昨夜春歸今朝夏時序如翻掌相思惱斷腸只怕愁病無情減却容光血淚漬成行點點滴在青衫上。

山坡羊

綠陰陰竹梢初放碧沉沉荷錢較長紅潑潑榴花漸舒白茫茫麥隴翻銀浪雨乍晴園林梅子黃時移物換人何向種種思量般般惆悵淒涼半開窗半掩窗悲傷半思郎半恨郎。

五更轉

納稼時離鸞帳到如今又插秧南鱗北雁頻來往並沒一紙書來慰奴懷想向晚來空倚定危樓望朝雲暮雨和誰講除是夢裏重逢和你徘徊半晌。

園林好

覺來時愁魂半牀那人兒依然在兩廂只落得千聲悒悒端的是怎推詳端的是怎推詳。

江兒水

睡起嬌無力。窮愁莫可當。聽。叮咚風韻簾鉤響。清溜溜竹筵茶烟漾。碎紛紛
日映晴絲蕩。混攪碎離人情況。縱有良工。畫不就相思模樣。

玉交枝

綠窗虛朗。晝寥寥共誰舉觴。芭蕉弄影搖書幌。一霎時過了端陽。怕夢回。驚
破追楚囊。眉兒淡了思張敞。待見他。山長水長。待放他。情長意長。

玉抱肚

南薰薦爽。夕陽。陰看看過牆。聒噪些蛙鼓蟬琴。蕭索了蝶板。蜂黃。中心快
快無明無夜費思量。倩托何人遠寄將。

玉山頽

精神惚恍。這滋味何曾慣嘗。覷花鈿粉面流脂。透酥胸汗雨揮漿。燈花鵲
噪。到此都成虛謊。命薄多磨障。意徬徨。停針無意繡鴛鴦。

三學士

愁酒債何時了。償。經幾度。飯廢茶荒。威蕤懶傳。何郎粉。寂寞羞添。賈女香。心爲
遠懷縈百丈。魂消處。逐去檣。

解三醒

錦葵開有誰宴賞。記昔日歡娛在畫堂。今日里浮瓜沉李。沒心想。盈盈泪浴
蘭湯。趁微涼款步。出洞房。悶數歸鴉立小廊。聲嘹唳。採蓮歌何處。晚渡橫塘。

川撥棹

舉目誰親傍。對三星禱夜火。俏冤家杳隔在瀟湘。俏冤家杳隔在瀟湘。幾時得
榮歸故鄉。辦虔誠叩上蒼。奈愁城未肯降。

嘉慶子

瘦損龐兒淺淡粧。怕暮鼓晨鐘特地忙。蚤知道今日裏。恹恹。蚤知道今日裏。
恹恹。爭似當初不識強。待相忘。不忍忘。待相從。路渺茫。

僥僥令

蜻蜓飛兩兩。燕子語雙雙。偏我海誓山盟都成謊。番做了五更頭夢一場。

尾聲

擲金錢卜歸的當。只怕歸來鬢已霜。怎能夠身生兩翅飛到伊行。

①合有總題「閨怨」②合作「舊詞」③合作「椿椿」④合作「白」⑤合無此字⑥合作「晴」⑦合
 作「夾」⑧以上三字合作「夢魂」⑨合作「這花」⑩合作「粉」⑪合作「供」⑫合有曲牌名「連抱
 肚」⑬合有曲牌名「五供養」⑭合作「華」⑮合作「緩」⑯合作「前腔」⑰合無此字⑱合無此字⑲
 以上九字合作「君平問卜都虛謊只恐怕」十字⑳合作「鬢」

醉扶歸

王伯穀

相思欲見渾難見。果然別時容易見時難。見時又怕起波瀾。待教不
 見情難拚。見利不見兩頭擔。只索向枕邊裏尋方便。

步步嬌

急煎煎夢破陽台遠。雲雨誰收管。屏山烟樹前。天上人間物移時換。盼不到羅袖藉。香肩只消受得疏櫺月。透清光淺。

江兒水

陌上朝來遇。匆匆欲語難。隔簾彷彿。梨花面。行人回首魂俱斷。東西岐路成長歎。似月被云來遮掩。縱有藍橋渡不得。眼前天塹。

園林好

嘆一刻千金果然。盼一紙萬金難換。何事衡陽無雁。自隔斷玉門關。再不到大

羅天

五供養

夜涼冰簟倚枕無眠。意惹情牽。舊愁流水逝。新恨海潮添。輓轡輾轉。奈金井碧梧人遠。不愁歡會少。只怕別離難。撚指光陰又經時變。

僥僥令

玉簫期跨鳳宵。口託啼鵲勝事春心渾拋閃。抵多少口尋思一惘然。●

尾聲

月明口有成歡忭。喜重整巫山公案。將兩下濃倩對面傳。●●

●合有總題「題情」●合作「張伯起」●以上二字合作「真箇」●以上二字合作「懊恨」●合作「憐」●以上十四字合作「恨當初未見悵無緣。及至見來。又結就愁千件」●以上十二字合作「奈何天。怕見了又心兒軟」●以上八字合作「夢遶高唐還留戀」●合作「忙」●合作「卷」●以上十三字合作「似遺香在枕邊。寂寞空餘舊時歌扇」●合作「擁」●以上十一字合作「看雙星移入參商殿」●以上六字合作「阻萬千。隔簾疑」●以上二字合作「凝望」●以上七字合作「淚眼迷離渾如茜」●以上二十一字合作「天來遠。聚散人生飛電。難割捨。萬種思量。無數迎人嬌倩」●上一曲合完全不同。合作「留一盼清波欲濺。覷半面。明露欲燃。何事蕭郎假蹇。似線斷晚風。空悲啼。夜啼猿」●以上十二字合作「歸來月轉。看屋梁落影。幃薄風牽」●合作「急」●合作「煎」●以上二十五字合作「敲心碎。砧聲一片。只索向孤檠下。影兒前。衾裯淚冷寂無言」●此曲與合完全不同。合作

「膠弦聲歷落。燼篆思聯綿。加上些雨。雨風風來。斯纏吟不盡。寫離愁。千丈箋。」
同合作「心頭掌上提千遍。恍忽地。耳邊嬌顫。又是何處鶯聲溜的圓。」合下有批云「春寒夜午。月
沒花釀。情種逗人。吟懷走筆。愁重未堪。斲句。倦來聊展名詞。雖意態固已擅場。奈韻律尙多失譜。遂爾
一時翻變。庶乎全調諧和。誰則曰削方而圓。我惟知引竹而肉云爾。騷隱」

吳騷集

吳騷集 卷三

山坡羊

文徵明

春染郊原如繡。草綠江南時候。和煙襯馬滿地重茵厚。堪醉遊。殘花一徑幽。烏衣巷口還依舊。燕子歸來人在否。添愁。桃花逐水流。還愁。青春有盡頭。

前腔

花褪殘紅香瘦。院靜綠陰清晝。佳人鏡裏半捲羅衣袖。景物幽。臨池送酒籌。桃花扇底聞歌奏。也勝蘭橈杜若洲。忘憂。亭亭映碧流。還憂。瀟瀟不耐秋。

前腔

一點芳心。迤逗。柳葉眉兒。頻皺。前春病了。今春又。心暗羞。朱簾懶上鈎。菱花也笑我。因誰瘦。只爲你。冤家教我出盡醜。風流凝粧上翠樓。休休。黃花蝶也愁。

前腔

野寺晨鍾聲送。驚起羅幃香夢。雲收雨歇打散鸞和鳳。綠鬢鬆閒凭畫檻。
東。雙眸強合再欲成前夢。偷知我思君君還入夢中。風情風情千萬種。雲情
雲情十二峯。

- ①合有總題「題情」
- ②合作「文衡山」
- ③以上九字合作「荷香扇暖撲而薰風透」
- ④以上二字合作「齊紈」
- ⑤以上五字合作「情多似拙鳩」
- ⑥以上三字合作「種情根」
- ⑦以上四字合作「兩簇眉峰」
- ⑧合作「番」
- ⑨合有「兀自」二字
- ⑩合作「番」
- ⑪以上七字合作「區區一楚囚黃花」
- ⑫合無此字
- ⑬以上六字合作「休休春風燕子」
- ⑭以上七字合作「颼颼秋風鬢欲秋」
- ⑮合作「驟」
- ⑯以上五字合作「夢魂飛巫岫」
- ⑰以上十三字合作「獨自空傷憊被裏頭無端淚暗流」
- ⑱以上二十九字合作「不能勾這未了的相思甚日鈎悠悠料恩情逐浪鷗無由知音書收未收」

念奴嬌序

王西樓

麗譙落月正野鳥城上啼殘萬瓦明霜畫角聲中嗚咽處吹徹老梅爭放悽愴
太瀨宦●遊乍臨青闕土牛簫鼓天街上人●爭攘紛紛綵仗簇擁勾芒

尾犯序

成行仕女檢●春忙巧剪春旛彩燕雙雙試舞翩翩鬪釵頭鳳凰惆悵偏我慮
天涯人遠偏我慮山高水長又慮他●萍踪梗跡兀自殢他鄉

錦纏道

迅時光蚤花朝催開衆芳紅紫鬪春粧最多●情灞陵岸上柳絲百●丈留●
住別離車鞅●留不住教我徬徨撓亂九迴腸終宵魂夢空飛到●楚陽未了
平生願錯教神女惱襄王●

傾盃序

淒涼從君去冷綉房寂寞了梅花帳想揮淚陽關分袂情●難約在端陽准擬
還鄉眼睜睜教我窮冬捱盡又過青陽天便教人霎時相見又何妨

玉芙蓉

風和蝶戀香。水暖魚翻浪。正園林開到荼蘼海棠。乍晴乍雨花容老。輕暖輕寒
愁味長。相思恨。這相思恨。牽纏怎當。總朱顏消瘦。不比舊時龐。

小蓬萊

歡娛事皆已往。淒涼事總親嘗。雲迷楚峽空餘嶂。彩鸞飛去臺虛廠。秦樓更沒
簫吹響。每日的教我怨悵。裴航。

尾聲

歸來有日同鴛帳。還問他別來無恙。只怕他做了天涯浪蕩。

●合有總題「閨思」●合作「宸」●以上四字合作「景物果堪賞人」●合作「簡」●合有「心兒
放」三字●合作「無」●合作「千」●合有「得」字●以上四字合作「離人征鞍」●以上十二
字合作「離人去腸。落得意傍徨。夢飛度」●以上十二字合作「台上雲山歎渺茫。生受處。鄰雞忽唱。
錯教神女惱襄王」●合作「河橋」●合無以上四字●合作「小桃紅」

步步嬌

劉東生

簾展湘紋新涼透。睡起紅綃皺。無言獨倚樓。一帶寒江幾株疎柳。牽惹別離愁。
天迥蒼山庾。

香羅帶

匆匆憶去秋。送他遠遊。兩情繾綣難分手。頻將綠線繫蘭舟也。淚洒湘江兩恨
悠悠。蘋花點點迷白鷗。誰知一別經年也。教我望斷孤帆落鷺洲。

醉扶歸

搵啼痕。濕透紅衫袖。壓雲鬢。斜顰玉搔頭。對西風。心逐伯勞飛。望橫塘。情亂鴛
鴦偶。音書三月隔南州。向清波。誰把雙魚剖。

皂羅袍

想起綠窗鬪酒。正一鉤新月楊柳梢頭。心兒相洽意相投。含情笑解黃金扣。銅
壺幽嚮銀箭暗浮。薰爐香膩鴛衾翠柔。枕兒綉軟釵兒溜。

好姐姐

恨他心不應口。把歡娛翻成僂僂。情兒泛泛。渾如江水流。風兒驟。胭脂冷芙蓉。秀。十二珠簾懶上鈎。

香柳娘

看煙斜霧橫。看煙斜霧橫。夕陽時候。天空倦鳥歸林數。笑伊行浪游。笑伊行浪游。擾擾不知休。求風任誰奏。聽猿啼遠岫。聽猿啼遠岫。嶽色江聲漸收。不堪回首。

尾聲

西風倚遍欄杆久。荻花楓葉冷颼颼。玉笛誰吹出塞愁。

集賢賓

芭蕉冷落秋夜幽。蕭蕭獨抱寒稠。欵枕俄驚窗雨驟。一聲聲惹起閒愁。珠拋玉溜。幾側耳幾添僂僂。空自守。這淒楚爲誰擔受。

黃鸞兒

風颺繡簾鉤。和蕉聲帶雨浮。夢回幾陣殘更候。似蛩聲更啾。似砧聲更稠。浙零零苦把淒涼奏。思悠悠。都將別恨收拾上眉頭。

貓兒墜

芭蕉色褪蔭綠減深秋。况復輕分彩鳳儔。那禁蕭瑟雨颼颼。(合)堪憂。最苦是長夜如年。漏滴譙樓。

前腔

短檠半滅。應怯照人羞。空把明珠暗裏投。淋漓的。翠淚雙流。(合前)

尾聲

西風吹雨紗窗透。魂斷處香消金獸。忽聽鷄聲報曉籌。

●合有總題「秋閨」合有作者署名「吳崑麓」●合作「滴」●原書以下一頁頁數無訛刻四行似爲篇尾不知何故其詞曰「覆水料難收風流想身軀不自由訴離情萬種天知否天若知時天

也愁」接刊「尾聲」云。「思郎却似風前柳。何日裏風鸞交媾。只落得錦帳無眠兩下愁。」

步步嬌

紫雲臺上人年少。丰韻天然妙。桃腮映日天。香滿梨花。淡月疎簾悄。鶯兒學語嬌。那更燕子啣春小。

香羅帶

輕將檀板敲。漫欹柳腰羅裙半掩。金步搖。一聲何處奏雲璈。也有個郎君俏解金貂。相如已辨求鳳操。怎當他弄玉多情也。又向秦樓吹玉簫。

醉扶歸

曲纖纖。謾寫蛾眉巧。皎團團。清轉月輪高。嬌滴滴斜倚一枝春。喜孜孜暗送千金笑。困騰騰漸把翠鬟低。煖溶溶不覺香肩靠。

皂羅袍

想他那時來。到猛可的見了魂消。粉珠香顆落紅綃。含羞怕有燈兒照。窗明燭

影月在柳梢。綉幃錦幙春生翠翹。這風流占斷巫山道。

好姐姐

相報于飛同效。這恩情永結瓊瑤。同心錦字裁作合歡袍。堪爲寶。分明一幅鸞鳳誥。切莫輕輕下剪刀。

香柳娘

想柳枝嫋嫋。想柳枝嫋嫋。翠牽蘭棹被他寸寸愁腸攪。更滄波浩渺。更滄波浩渺。帶雨晚來潮。幽恨添多少。望雲山杳杳。望雲山杳杳。無限倚江皋。盡離愁遠。

玉交枝

自別全無音耗。幾曾經這般寂寥。月下拜告星前禱。都做了流水滔滔。肩頭兒擔不住離恨挑。淚珠兒填不滿相思窖。書兒可難寄難稍。腸兒可千條萬條。

貓兒墜

斷腸時候正是井梧飄。不覺時光轉素拘。瑣窗深處透金飈。無聊怎禁那簷兒

外疎辣辣數竿瘦竹聲敲。

僥僥令

遠恁含落照。深怨咽鳴蜩。瘦損孤吟黃花貌。髻短短髮蕭蕭。

尾聲

相思滋味都嘗了。有一日思情滿飽。獨對東風詠小桃。

入不就

張崎

海棠開。燕子初來。都只爲一點春心。番成做兩下。兩下愁懷。錦鯉書沉青鸞信杳。黃犬音乖。長吁氣。短吁氣。心中自解有緣分。無緣分。都是命裏合該。花被風衰。月被雲埋。破船兒撐不到藍橋。碎磚兒砌不起。砌不起陽臺。

前腔

菊花開。北雁南來。偏不帶一紙音書。頓令人心事。心事縈懷。懊恨喬才。在誰家。戀俏。俏乖乖。長相思。短相思。心中自解。辜恩義。負恩義。你該也不該。花兒空栽。

鏡兒塵埋。早知道受這般淒涼。悔當初不如不會陽臺。

錦庭樂

無名氏

枕兒餘。被兒單。春寒較添。夜雨響空階。曉來時殘紅滿簾。更那看掩重門。對鶯花。鬼病懨懨。這恨深如天塹。這病危如燈焰。病當心坎。愁在眉尖。

四塊玉

四時歡。千金笑。從別後多顛倒。俺這裏玉減香消。他那裏珠圍翠繞。婚姻簿上。想是名不到。却把鸞釵輕折了。恨茫茫水遠山遙。悶沉沉雲深霧杳。困騰騰使人夢斷魂勞。

雁過聲

終院落靜悄。徒然有龍香鳳膏。鸞笙象板。無心好。萬般愁。萬般焦。這悶懷。端的教我難熬。空教人易老。那堪暮雨。簷前鬧。比着俺淚珠兒兀自少。

傾盃序

思着掩翠屏冷絳綃寂寞向誰行告捱幾個黃昏幾番明月幾度青燈和我知道把歸期暗數寶釵劃損畫欄雕巧不繇人不罵他做薄倖絮叨叨

玉芙蓉

金爐香篆消寶鏡塵埋了數歸期一夕又還一朝薄衾小簟殘鐘曉暮雨梨花魂暗消相思病人情債多應是命所招算人心不比往來潮

山桃犯

誤約在蓬萊島冷落了巫山廟愁雲怨雨羞花貌精神不似當初好雁來鴻去無消耗每日裏教我心癢難熬

尾聲

淒涼運莫再交但願得鴛鴦會蚤莫待秋霜染鬢毛

- 合題「普天樂」合有總題「閨怨」合有作者署名「李東陽」●合作「內」●合作「管」●合有「在」字●合無此字●合無此字●以上六字合作「多應是」●合無此字●合作「小桃紅」●以上

三字合作「委實的」●合作「孫」

四塊玉

陸包山

武陵花春難放。壽陽梅粧不上。冷落了傅粉何郎。再休題畫眉張敞。章臺楊柳。一任風飄蕩。那折柳人兒空妄想。寄相思紙短情長。夢相思鶯喧蝶嚷。訴相思拜月燒香。

雁過聲

淒涼銀燈翠幌。雲雨隔巫山。楚襄朱明一紙音書謊。今端午過又重陽。總金錢教我難卜行藏。多情心大爽。那堪時序臨霜降。只恐愁與秋潮連夜長。

傾盃序

閒想歡娛事誰主張。何處告相思狀。恨鸞鳳釵媒。鴛鴦帶累。翡翠衾窩。鴟鷄調謊。又不覺惱中留意。怨中垂淚。恨裏思量。這冤家繫人心下刺人腸。

芙蓉犯

愁邊信渺茫。夢裏人來往。怎能勾做一個不醒黃梁。和他睡足芙蓉帳。把隻鳳孤鸞。化蝴蝶。雙參商。春風洞房。何日得明珠在掌。

山桃犯

撇下不真磨障。憔悴了嬌模樣。朱弦玉管無心響。花筵柳宴和誰賞。登樓倚戶空凝望。寸心兒惟有萬種悲傷。

尾聲

一天愁緒眉尖上。何處能消半晌。且燒燭階前照海棠。

黃鶯兒

古調

孤鏡畫愁眉。未凝眸。淚已垂。悔當初拆散鸞鳳配。如今未歸。芳心付誰。總詩題紅葉空自隨。流水隔天涯。願君如旅雁。萬里向南飛。

香羅帶

相思倚繡幃。離愁怎持。金樽未傾心已醉。冰絃欲理。指難移也。此際無窮意。有

天知天應念妾妾念伊。惟有薄倖無情。不念當初炊爨屢。

醉扶歸

對銀燈。終夜長吁氣。整鴛衾。空憶合歡時。怪蛩聲偏惱。獨醒人。恨嬋娟不照孤眠處。怎能勾。重合鳳臺簫。多應是。耽悞巫山雨。

好姐姐

追思那日別離。兩下裏指天設誓。銘心刻腑。教他休負虧。成何濟。君心一似風中絮。飄蕩春江猶未歸。

玉山頽

殘秋天氣。憶蕭關。尙未授衣。自臨機欲織迴文。未穿梭寸心先碎。柔絲萬縷。千里車輪難繫。路遠書空寄。卜歸期。教人終日倚門閭。

香柳娘

看芙蓉滿地。看芙蓉滿地。兀自笑人憔悴。對花無語含羞愧。跼金蓮懶移。跼金

蓮懶移。獨立望長空。銀河隔牛女。嘆朱顏漸頹。嘆朱顏漸頹。半向夢中消。半向愁中去。

尾聲

天涯草色心千里。盼望王孫何日歸。此恨綿綿無盡期。

●合有總題「秋閨」●合作「文衡山」●上一字合作「供」●合有曲牌名「玉胞肚」●合有曲牌名「五供養」

十段錦

張靈虛

〔繡帶兒〕燈兒下。低頭自忖。消磨了。幾箇黃昏。夢回時殘月孤蓬。花落後細雨重門。〔宜春令〕思省是前生做下。今生怕。今生又欠來生愁悶。怎討得一宵恩愛。賺了半生緣分。〔降黃龍〕難論無底深思。月下花前自成心。允幽期密訂。受盡了從前多少寒溫。〔醉太平〕心田錯將紅豆種。愁根惡根苗。苦縈方寸。思量不盡。這千般旖旎。半天丰韻。〔浣溪沙〕性兒醇情兒順。最應暗裏溫存。可憐冤債告無門。河

陽天遠難投奔。奈何日方酬斷續恩。絮叨叨說與他們。〔啄木兒〕相逢非是言無准。匆匆自恨情難盡。又早雨打梨花深閉門。〔鮑老僮〕此情未伸花屏。雨餘都減春。韶光九十沒半分。人不見。謾嘆息。空勞頓。夢遶巫山一片雲。〔上小樓〕只落得些夢中秦晉。早人間商與參。桃源有路欲埋輪。羨殺世人。薄倖到省得瘦減精神。〔雙聲子〕水中魚。沙中鴈。怎討得愁中信。〔鶯啼序〕心中事描寫在紙上。又相將化作啼痕。其間怎言。自甘心寂寞。臥病文鴛。

尾聲

緣慳咫尺如天塹。相思一曲學啼猿。只恐路上聞也淚漣。

步步嬌

王百穀

暗想當年羅帕上。把新詩寫。偷縮同心結。心猿乖。意馬劣。都將軟玉嬌。香嫩枝柔葉。〔四〕琴瑟正和協。不覺花陰轉。過梧桐。月。

沉醉東風

一團嬌香肌。瘦怯。半含羞粉容輕貼。微笑對人悄說。休忘了今夜裏。等閒間
將海棠花。開徹。把山盟共設。不許你片時拋撇。若有個負心的教他隨
燈兒便滅。

忒忒令

他殷勤將春心漏泄。我風流寸腸中熱。因此上楚雲深鎖黃金闕。休把佳期頓
撇。湘江竭。燕山絕。斷魚封雁帖。

好姐姐

自別逢時遇節。冷淡了風花雪月。奈柔腸萬結。怎禁窗外鐵。無休歇。一似瓊
搖明月。又被西風將錦帳揭。

嘉慶子

渭城人肌膚瘦怯。楚天秋難禁病疊。勒定了畫眉郎京尹。補填了河陽令
漏缺。

桃紅菊

嘆嗟歡娛事能幾些痛切相思病無了絕朋友每知疼熱負心的教他早回宁貼待撇想着他至誠生怎生樣撇待捨想着他嬌模樣教我怎生樣捨

園林好

也傷殘連枝帶葉勾引動狂蜂浪蝶鬧炒起譟臺舞榭回首處暮雲遮堪嘆處路途賒

川撥棹

成吳越怎禁他巧言相鬥疊平白地送暖偷寒平白地送暖偷寒猛可的撇唇弄舌水晶丸不住撇蘸剛欽一味掘

錦衣香

他將楚館焚秦樓拽洛浦填京河絕梅家庄水罐湯瓶打爲磁屑賈克宅守定粉牆缺武陵溪澗花兒釘了椿掘楚襄王夢驚蝴蝶漢相如趕翻車

轍深鎖。芙蓉闕。紫簫聲裂。碧桃花下。鳳凰把翎毛生扯。

漿水令

响玎。噹將菱花碎跌。側楞掙。冰絃斷絕。喜孜孜將同心帶扯。撲擊擊。寶簪墜。折採蓮人偏把竝頭拆。比目魚就池中將水車竭。連枝樹生砍折。打撈起御水流紅葉。藍橋下浪。滾滾波濤捲雪。祆神廟焰騰騰。火走金蛇。

尾聲

饒君總把機謀設。怎禁那負心薄劣。一。向夢兒中對他分說。

- 合有總題「閨怨」●合作「元詞」●合作「溫」●以上四字合作「翠擁紅遮」●合無此字●合無此字●以上二字合作「暫」●上一字合作「棄」●合作「截」●合作「桃紅菊」●以上二字合作「停勒」●合此處有「停勒」畫眉郎京尹●合作「滿」●合作無此合全文●合作「得」●合作「楚」●合作「水痕」●以上三字合作「開間諜」●合作「地」●合作「鋼」●合作「謎」●以上三字合作「涇河竭」●合作「充」●合有「把」字●合作「概」●以上二字合作「緊閉」●合

作「叮」●合作「碎」●合作「地」●合作「截」●合作「翻」●此處合有「一」字。

畫眉序●

祝枝山

一見杜韋娘。惱亂蘇州刺史腸。似奇花解語。軟玉生香。彩雲輕舞。袖翩韉。金縷細歌喉。清亮料應。夙世曾爲伴。今生裏再得成雙。

黃鶯兒

偏愛素羅裳。煞娉婷。忒恁狂。丹青怎畫得。嬌模樣。行思坐想。恩情怎當。俏冤家牽掛在心兒上。細思量。一時不見如隔九秋霜。

集賢賓

一味至誠非勉強。他有鐵石心腸。君子情懷耐久長。●我何曾着意關防。憑君主張。●自不許蜂喧蝶嚷。秋江上芙蓉花到老含芳。

貓兒墜

合歡未久無奈往他方。渭北江東道路長。暮雲春樹兩茫茫。何妨。●一種相思。

分做兩處悲傷。

尾聲

歸來依舊同歡賞。月下花前再舉觴。只怕歲月無情兩鬢霜。

●合有總題「題情」●以上七字合作「月下星前言不爽」●合作「移放」●以上二字合作「悽惶」

好事近

●兜的上心來。教人難想難猜。同心羅帶。平白地兩下分開。●傷懷。舊日香囊猶在。詩中意書寫得來明白。●數歸期。一年半載。算程途咫尺音信全乖。

錦纏道

托香腮。懶梳粧。慵臨鏡臺。無語自裁劃。正芳年又不道色減容衰。怎知他把前言盡改。咱須是暫時甯耐。歲月好難捱。孤辰寡宿。時該命又該。不索長吁氣。負心人天自有安排。

普天樂

畫闌前。湖山外。見月也深深拜。月圓時人未團圓。望蒼穹鑒察憐哀。郎心最歹。把些個溫香軟玉。做了糞土塵埃。

古輪臺

恨多才。萍踪浪跡。寄天涯。繡幃錦帳春風夜月。有許多恩愛。豈料如今。番成做。破鏡分釵。剩雨殘雲。等閒消盡。是誰別壘楚陽臺。有傾城嬌態。把誓海盟山。做冰消瓦解。忘餐廢寢。魂勞夢斷。肌骨瘦如柴。懨懨害。四時花月纔沉埋。

尾聲

黃昏更是無聊賴。斜倚定。薰籠半側。羞見燈花一稔開。

①合有總題「閨情」②合有曲牌名「泣顏回」③合有曲牌名「刷子序」④合有曲牌名「普天樂」

⑤合作「踪」⑥以上三字合作「猶在自」⑦以上二字合作「做了」⑧合無此字。

宜春令

梁少白

貂裘染洛下塵。嘆浮名棲遲此身。秣陵秋盡，雲衢有夢，鴻無引。奈江頭一夜西風，都吹上半生愁鬢。堪憐韶光荏苒，百年一瞬。

太師引

美前程。畢竟全無准。羨鵬搏。何年化鯤。怎消得重門清晝。况值着孤館黃昏。平生意氣休相晒。聊寄跡錦營花陣。平康路。車蹄馬輪。從今後。向陽臺覓暮雨朝雲。

瑣寒窗

遍青樓尋訪殷勤。邂逅當年第一人。見丰儀俊朗。性格溫純。趨承濟楚。衣衫淹潤。淡梳粧不施脂粉。可憎青團半掩。啓朱唇。頓然一座生春。

三段子

問伊近庚。是楊家初年長成。問伊小名。是楊家當年太真。疑是霓裳隊中金蓮。襯沉香亭畔春醒醒。寂寞欄杆。梨花風韻。

東歐令

烟霞相不同羣。好惡將傾。越與秦誰知。窈窕還相訊。口論多奇俊。歎悠悠世路。總浮萍。青眼更何人。

三換頭

衷腸未明。欲言難盡。姻緣到也。喜兜的便親。書生何幸。這其間只索把飄蓬此身來盡。一霎成秦晉。春生白練裙。意外良緣。怎負得一夜夫妻百夜恩。

劉潑帽

繡床根底將鞋兒褪。却匆忙未掩樓門。深深叩謝周公瑾。莫浪聞這恩德應難盡。

大聖樂

問娘行。這段姻親。却緣何心。便肯多應。宿世緣和分。因此上一時渾。分明是雙花蝶。迷花徑。兩兩鴛鴦護水紋。情真意懇。非于是偷寒送暖。棄舊憐新。

解三醒

休忘了焚香寶鼎。休忘了待月疎櫺。休忘了生辰八字親相訊。休忘了對剪烏雲。休忘了重門畫索潛投奔。休忘了旅館宵昏挹淚痕。伊休湏。不是他。家行。逕似假疑真。

節節高

恩情難具陳。未經旬。別離兩字當心撐。歸何迅。益易傾。情難盡。春明門外程途。且疎林處處斜陽映。只恐分離在須臾。片時人遠天涯近。

三學士

都城南去霜風緊。黯然欲別銷魂。君如想妾還愁妾。妾若忘君是負君。歲月蕭條難過遣。書和信。莫厭頻。

大逐鼓

離亭酒一樽。青衫濕處盡。是啼痕。蕭蕭正馬投荒徑。嘹嘹征雁度孤村。雜沓長

途淒涼暮雲。

撲燈蛾

時開一紙書。每玩雙鉗印。追想那多嬌。不覺眉留眉亂也。看腰圍瘦沈。願年年
芳草帶王孫。鏡臺前逗遛京尹。眉重暈。紗窗著意再溫存。

尾聲

春風又入淮南郡。看行行一騎到金陵。肯負青樓薄倖名。

梁州序

王雅宜

筠窗星散。苧幃風度。幽楚無端。攪寤疑真似假。教人懊恨。當初渾似蝶。香銷粉。
蛛網縈絲。鏡破鸞孤舞。幾番消渴也。寸腸枯。誰道如今腸也無。(合)沒定奪。難
存坐。風花撩亂。章臺路。韶華去。怎回顧。

前腔

梧飄金井蛩吟玉。露身似悲秋宋玉。有情難賦。無端短嘆長吁。怎能勾傾城傾

國行雨行雲。把多病多愁。瑤琴空駐。怨分應孤。不是知音世上無。(合前)

前腔

聽征鴻。天外相呼。似失侶不勝淒楚。更那堪。嘹唳數聲哀訴。好似綠珠墮恨。碧玉沉愁。聲斷衡陽浦。天長音信短。奈君何。知道眉兒淡也無。(合)

前腔

對簾櫳。涼月紛敷。恍一似嫦娥低度。元來是助人愁。半痕玉兔。想像西廂詩侶。南浦情人消瘦。梨花朵。轉成離恨譜。談了會親符。果是人間好事無。(合前)

節節高

新粧艷。綺羅隔。如河虛無縹緲輕雲護。天香墮瓊。翠蛾調鸚鵡。高唐雲雨何朝暮。巫山何處陽臺路。爭怕春光不相留。朱顏未肯常如故。

前腔

風煙斷綠。無夢南柯。朦朧誰注姻緣簿。芳年悞。恨轉多。佳期負。靈心一點先瞧。

破天涯草色王孫路（合前）

尾聲

幽期密約都虛度。江州司馬淚痕多。及至相逢半句無。

甘州歌

古調

相思無底。這幾日。教奴獨守香閨。從他別後。杳無半紙音書。料應他戀新忘舊好。撇得我一日三餐如醉癡。歎息。何日裏得展愁眉。

前腔

離情訴與誰。枉教奴暗數歸期。音書修起。有誰來稍寄。關山阻隔人又遠。我這裏瘦減。香肌他怎知。幾回捱。不過玉漏遲。

賺

多情默默自傷悲。忽聽南來一雁兒。嘹唳聲聲哽咽。過樓西。意兒癡。慌忙推枕披衣起。只見孤雁不見伊。略停翅。奴行有紙音書寄。敢煩傳去。

浼伊稍遞。①

解三醒

此封書說個詳細。從別後杳無書寄。見他與奴多傳語。問他道幾時歸。當初共約芙蓉帳裏。到如今鶯到花殘猶未歸。心兒昧。不記得去時節。罰下盟誓。②

前腔

此封書再說個詳細。切莫要路途差遲。那人住在天涯際。門前有粉情紙。青山傍着一帶溪。切記在流水橋邊。略略轉西。相煩你。把千言萬語。說向他知。③

尾聲

與雁兒傳書寄。人生最苦是別離。醒却原來是夢裏。④

①合有總題「擬閨人託雁寄情」曲牌合作「八聲甘州」②合作「沈青門」③合作「時」④合

作「人」⑤以上四字合作「沒數行」⑥以上三字合作「多管是」⑦以上十二字合作「因此上將人

輕棄遺。心癡」⑧以上二字合作「情衷」⑨以上九字合作「空庭徒倚。落得斷腸魂離」⑩合無以上

三字。①合作「損」。②以上三字合作「淒其換」。③以上三字合作「月轉花移」。④合作「不是路」。⑤以上七字合作「默默傷悲」。⑥合有「得」字。⑦合有「聲」字。⑧合無上一「囉」字。⑨以上四字合作「呀呀哀怨」。⑩以上三字合作「夢驚回」。⑪以上二十五字合作「囑付靈禽莫浪飛，煩稍遞，半函都是燈前淚，許多愁味，許多愁味」。⑫合此令完全改過，文爲「蓼花灘莫教濡滯，蘆荻岸擇伴相依，趁西風一翅翔天際，薄倖客早尋覓，總利名韁鎖身縈繫，難道春色全無隴上梅，相煩累，向那人傳示，切莫遲遲」。⑬此令合亦完全不同，詞云「聞他在漢南湘水，又道在渭北燕磯，又道在長安客里曾留跡，又道在錦江涓，總天涯浪蕩無消息，望你逐處追尋他極早歸，相煩累，若得個上林佳信，不負逢伊」。⑭「尾聲」合亦完全換過，「枉叮嚀，空歡喜，驀地騰騰飛起，却是南柯一覺裏」。

步步嬌

梅禹金

天涯何處迷歸棹，辜負人少年空閨月滿宵，獨倚雕闌見月向梨花照，驀地暗含羞，羞殺我消滅梨花貌。

醉扶歸

病懨懨消滅梨花貌。悶沉沉慵將脂粉調。冷淒淒綉砌落殘綃。虛飄飄幾陣風
閑掃。冰姿錯認是梅標。纖塵半點飛不到。

皂羅袍

深院纖塵不到。正溶溶淡魄轉過花梢。瓊葩浸白水沉消。霜英怯素湘簾悄。鉞
華淺抹。蛾眉淡描。粧殘顰黛圍鬆楚腰。這瘦龐兒不似前春俏。

好姐姐

春前鴛鴦頸交到。如今鱗鴻漸杳。平原飛絮絮。當他一望遙。縈愁抱。梨花冷把
愁人咲。對月空吹白玉簫。

香柳娘

弄秦樓玉簫。弄秦樓玉簫。越添懊惱。聲聲吹出孤鸞調。把簫郎恨着。把簫郎恨
着。冷碧天高花幽殘。月小。搵香羅漏寂。搵香羅漏寂。強自和衣睡了。閃得我夢
魂顛倒。

尾聲

朦朧一夢驚還覺。浪跡萍踪難料。只恐怕雨打梨花億寂寥。

鬥寶蟾

二酉山人

兩字鴛鴦。惹心頭夢裏。多少牽纏。怪分飛。偏憎月下燈前。堪憐。月圓人不見。燈
寒悶較添。○悞芳年。人隔三秋。又番悶縈雙眼。○

忒忒令

比人間紅樓畫欄。○似天上銀河月殿。分明咫尺緣。○分慳。○如隔太行天塹。
○秋水盈。春山斷。○怨。○情丟意閃。○

五供養

山高水遠。恨知音曲中斷絃。琴心空有調。詩句更無緣。○我想桃花人面。隔朱
門如今幾年。○別來虛歲月。何處指盟言。○怎得人心久長不變。

好姐姐

魚雁水沉風斷。書和信雲遮霧掩。花飛月冷。青春誰可憐。愁和怨。愁深
隱隱。當心坎。怨結悠悠在眼前。

風淘沙

古道夕陽白草煙。見疎林掛新蟾。猛可的撩人增長歎。病根苗。心上攬。鸞衾雙
剖。鴛幃兩單。怕黃昏守寒窗。孤燈一盞。幾番恨他心不淺。待丟開又沾染。

川撥棹

無繇見。陽臺上巫峽邊。似如今鬼病懨懨。似如今鬼病懨懨。到不如當初
分慳。偷香手何處探。傅粉心從今口。

尾聲

風流說慣。還不慣。畢竟是爲他牽纏。怎能穀春生庭院。把孔雀屏遮離恨
天。

●合曲牌名作「黑蜘蛛」台有總類「題情」●合作「馮二酉」●以上五字合作「衾寒夜怎眠」●

以上四字合作「寸腸千轉」⑤合作「船」⑥合作「無」⑦合作「緣」⑧合作「一線」⑨合作「怨」⑩
 合作「怪」⑪合作「淺」⑫合作「犯」字⑬以上三字合作「共誰聯」⑭以上四字合作「春風轉
 盼」⑮合有「月上海棠」四襯字⑯合作「擲」⑰合作「腎」⑱以上五字合作「塵蒙舊簡篇」
 ⑲合完全不同。曲牌作「玉交枝」詞云「梧桐幾片。鬧秋風。飄零翠軒。翻來捲去。如相戀。動人無限
 熬煎。記月明疎影共留連。又霜寒夜瓦。驚時變。最無聊。孤燈影懸。最傷心。青衫淚濺。」⑳以上二字合
 作「縹緲」㉑與上則同。㉒以上四字合作「丟開在先」㉓以上三字合作「誰見授」㉔以上三字
 合作「誰與傳」㉕以上二字合作「孽瘴」㉖合作「免」

吳騷集 卷四

石榴花

梅禹金

折梅逢使，煩寄到金陵。若得見那芳卿，將咱言語記須真。一一的說與他聽。自別來到今，急煎煎遣不去心頭悶。似楊花覆去翻來，如芳草削盡還生。

前腔

憑高眺遠，望不見石頭城。重山障亂雲凝，茫茫都是別離情。只樂得淚眼盈盈，恨不能生羽翎。粧臺訴與恁，千般恨，有誰人知我幾微。惟明月照人方寸。

漁家傲

教人幾把欄杆憑，也只爲恁。怎知我日夜相思，更忘餐廢寢。誰知近日多愁悶，漸覺帶圍寬褪。說與他我爲多成病。說與他莫要忘情。說與他決不學王魁倖。說與他莫學蘇卿。說與他酒泛金尊。我也無心去飲。說與他絃斷瑤琴。我也無

心去整說與他茶飯上都難進。說與他怕聽鷄鳴鐘聲。送黃昏報五更。那時節。我心愁悶轉增。

前腔

想殺您。初相見。志誠想殺您。笑來迎。想殺您。花月下好句聯吟。想殺您。叫着小名兒。底底應。想殺您。對蒼天共盟。想殺您。體素龐兒俊。想殺您。臨歧執手細叮嚀。衷腸事。略略訴您。知己話。難說與君聽。正是匆匆萬般說不盡。煩君去傳與我多情。他若聞。必然淚零。只怕淚恨有盡。情難盡。只落得兩處一般愁悶縈。

尾聲

梅花香裏傳春信。報到江南一種情。莫學凍蕊寒葩心上冷。

梁州序

陳秋碧

●西園暮景。南軒初夏。長日端居多暇。樓頭楊柳。陰陰漸可藏鴉。無奈關心杜宇。惹恨鷓鴣。占定茶蘼架。芭蕉分綠也。上窗紗。閒看兒童捉柳花。●(合)珠箔

捲金鈎掛怪無端。一夜東風大。花亂落。設嗟呀。

前腔

瑤臺寂靜。畫欄幽雅。一樹薔薇低壓。鴛鴦兩兩飛來。煖傍晴沙。爲甚金鍼閒却。綵線丟開。刺繡都停罷。舊巢新燕子。語窗紗。又見蛺蝶雙雙入菜花。(合前)

前腔

黛痕橫臉。玉生霞。簾烟微麝香消鴨。對銀箏無緒。雁行空駕。幾度閒尋舊譜。試學新聲。欲演還拋下。絲絲梅子雨。潤窗紗。無奈少女風前爛熳花。(合前)

前腔

對香奩朱粉慵搽。臨寶鏡青螺羞畫。病懨懨多半爲他瀟灑。堪笑鸚鵡解語。鸚能言。把薄倖提名罵。開遲紅芍藥。滿映窗紗。爲甚送盡春風始見花。(合前)

節節高

蓮舟戲女娃。露裙釵。蘭橈水濺凌波襪。貪懽耍。兩髻又雙鬢。亞青青荷葉無

多大折來莫把絲牽掛(合)翠羽飛來綠葉叢玉盤欹側瓊珠瀉(一)

前腔

乘陰傍水涯扇空遮玉纖謾解(二)鮫綃帕音書假辜負咱多嬌姪歸期暗數垂楊下如今不信傳來話(三)

尾聲

芳時一任東風嫁對良辰懽情未洽難道經秋不到家

●合作「梁州新郎」合有總題「夏閨」●合有曲牌名「梁州序」●合有曲牌名「賀新郎」
●合作「枕」●合作「簾」●合作「滿」●合作「笑聲諱」●合作「下」●以上七字合作「數歸鴉那看淚染」●以上十二字合作「總是虛脾話長房縮地憐無法」

好事近

古調

●風月兩無功枉把心機牢籠巫山雲雨一旦杳然無踪(四)隨風奈向譙樓更鼓(五)又打三鬢(六)寂寞恨更長漏永便做了歡娛夜短却共誰同

錦纏道

路難通。料隔着雲山萬重。空蹙破^①兩眉峯。暗銷魂。沒情沒緒對着孤燈^②。有愁來全仗酒哄。醒來時依舊還同。暮鼓又晨鐘。韶光荏苒。歸期尙未逢。怕染滌耶鬢。被他依舊笑春風。

錦庭樂^①

減芳容。愁越重。罷却了描鸞鳳。雕簷畔。雕簷畔。鐵馬叮咚。紗窗外絮聒寒蛩。砧聲又攻。更那堪雁聲嘹唳長空。

古輪臺

恨無窮。西風蕭瑟助秋容。別來許久無音信^①。寒衣誰送。寄與君家。料想是覓却芳容。誤我佳期。好天良夜^②。欲將心事問孤鴻。想當時曾共翠被生寒。馥香溫軟。到如今蓬鬆兩鬢。釵橫髻亂。修眉懶畫。別後若匆匆。思前事。教人心下氣沖沖。

瀟瀟。葉敲窗紙。悶對殘燈午夜風。展轉無眠聽曉鐘。

王百穀評 余舅陸公承憲風流蘊藉嘗於余前極稱此曲謂其詞淺情

深而語不入俚余因而三復之。惝媚婉切真不減張長吉之吻讀其歡
娛夜短却共誰同一語尤有態度惜其不知誰手所作耳。

- ①合有總題「秋日閨情。」
 - ②合作「毛蓮石。」
 - ③合有曲牌名「泣顏回。」
 - ④合有曲牌名「刷子序。」
 - ⑤合無此字。
 - ⑥以上一字合作「頭譙。」
 - ⑦合有「聽沉响」三字。
 - ⑧合有曲牌名「普天樂。」
 - ⑨合作「損。」
 - ⑩以上四字合作「倦理殘絨。」
 - ⑪合作「普天樂。」
 - ⑫合無以上三字。
 - ⑬以上五字合作「望裏關河負。」
 - ⑭以上四字合作「一場春夢。」
 - ⑮以上二字合作「聽。」
 - ⑯合作「縫。」
- 以上三字合作「珠淚湧。」
- ⑰合無此段評。

畫眉序

王漢陂

無意理雲鬟。斗帳淒其夜不眠。悶傷春。憔悴懶拈針線。喚了鬢休捲珠簾。怕羞
覩雙紫燕。悶懷先自心撩亂。怎禁他萬般消遣。

黃鶯兒

羞對曉妝奩。俊龐兒不似前。可憐寬褪黃金釧。香肌瘦減。歌慵咲懶。這幾般都
只爲虧心漢。枉埋冤。當初是我不合和你配青鸞。

四時花

愁殺悶人天。見樓兒上。窗兒外。皓月斜穿。更闌芙蓉帳裏。春夢寒。鴛鴦枕兒閑
半邊。覺來時。愁萬千。粉容憔悴。懶貼翠鈿。香肌瘦損羅帶寬。咫尺在目前。悄沒
箇稍書人便。奈天遠。地遠。山遠。水遠。人遠。

皂羅袍犯排歌

漸覺神魂勞倦。喚玉梅款款。撲定香肩。甫能魂夢到君前。被風吹簷馬滴溜溜
轉。驚回好夢。悶懷轉添。翻來覆去。和衣強眠。千愁萬恨。教我枉埋冤。雕簷畔。鵲

噪喧幾番虛把信音傳。危樓上憑畫欄。幾回錯認去時船。

解三醒

去時節。早梅初綻。定約到。燕子來時人自還。到如今。鶯老花殘後。怎不見去的人面。他在秦樓上。戀着一個別少年。却不道有箇人兒眼望穿。頻作念。許多時。可惜辜負花前。

浣溪沙

楊柳眉。秋波眼。端的是爲伊愁煩。年年三月病恹恹。真箇是惱殺人也天。要解愁腸須是酒。酒醒後悶懷重添。瀟瀟風雨送春寒。滿院梨花啼杜鵑。

奈子花

從伊別後有誰憐。將心事仗託誰傳。朝雲暮雨和誰留戀。合歡帶共誰同綰。作念心似酒旗懸懸。

步步嬌

文衡山

簾控金鈎深閨悄。風動爐煙裊。淒涼恨怎消。望斷衡陽。底事鱗鴻杳。獨坐悶無聊。把金釵劃損雕欄巧。

香羅帶

幽窗倍寂寥。冰絃懶調。春纖未舉先倦倒。斷絃何日續。鸞膠也。總有相思調。對誰拋。思君幾遍成鬱陶。便是暗擲金錢也。有甚心情辨六爻。

醉扶歸

悶懨懨。羞把菱花照。昏昏慵整翠雲翹。覺離愁。應比舊時多。看花容不似前春好。可憐辜負好良宵。多應是別惹閒花草。

皂羅袍

可惱。鬱人懷抱。响叮噹鐵馬門風聲敲。瀟瀟疎雨洒芭蕉。啾啾四壁寒蛩鬧。尋章摘句。臨風懶嘲。蛾眉消黛。金針懶挑。虧心自有天知道。

好姐姐

看他量如斗筲。沒來繇教人談笑。翻雲覆雨都是奴命招。無消耗。滔滔水滄藍。橋倒。烈火騰騰將祆廟燒。

香柳娘

見紅輪墜西。見紅輪墜西。晚鐘聲報。孤燈慘淡和愁照。聽譙樓畫角。聽譙樓畫角。鳴咽怨聲高。令人越焦慄。剪秋風敗葉。把紗窗亂敲。攪得奴夢魂顛倒。

尾聲

薄情做事多奸狡。撇得人來沒下稍。短嘆長吁捱到曉。

●合有總題「閨思」

月雲高●

王百穀

別情無限。新愁怎消遣。沒奈何分恩愛。忍教人輕折散。一寸柔腸。兩下裏相縈絆。去則終須去。見也還須見。只怕燈下佳期難上難。枕上相思山外山。

前腔

吞聲甯耐。欲說誰揪採。惹得傍人笑。招着他們怪。懽喜冤家。分定懽纏害。去不去心頭恨。了不了生前債。教我心上黃連苦。自捱却似鎖上門兒推不開。

纏錦道

梅禹金

思昔日。在粧樓。紅塵偶逢。驚懼事匆匆。待年來。蒙君顧盼。情濃好。一似雙棲鳥。比目魚。並蒂芙蓉。斷不如。漢長門。掩泣秋風。心意照晴空。幾迴間。怕路迷魂夢。薰爐共綉籠。又提起。鸞簫歡弄。但今生。此後莫飄蓬。

●合有總題「題情」●此令全文合無。

步步嬌

梁少白

小曲幽坊重門啓。簾幙濃雲裏。燈前乍見時。旋束腰圍。高蟠雲髻。淡掃遠山眉。雙眸漾漾如秋水。

孝順歌

芙蓉面。冰雪肌。生身蔣山年未笄。嬈嬈十三餘。梅花半含蕊。似開還閉。初見簾邊羞澀。還留住。再過樓頭。款接多歡喜。行也宜。立也宜。坐又宜。偎傍更相宜。

香柳娘

笑書生路迷。笑書生路迷。薰投花底。霎時便拜兄和妹。比蘭玉未奇。比蘭玉未奇。却憶謝玄暉。餘霞散成綺。擬卿卿此辭。擬卿卿此辭。做小名贈伊。切須牢記。

園林好

歌喉振浮雲。敢馳箏絃動。流鶯敢啼。看縹緲。畫梁塵起。紅袖底。鴈行底。纖指下。鳳凰飛。

江兒水

窗掩樓兒上。綉帳垂似桃花浪。暖鴛鴦。對偷香。蛺蝶花房綴迎風。楊柳雕欄綺。不是多情牽繫。愛他俊俏身兒。更性格偏投人意。

僥僥令

不勞三月鴈。怕聽五更鷄。兩下情濃無盡底。夜夜夢巫山雲雨歸。

尾聲

鰕生何幸同歡會。喜一對才名雙美。留取他年作話提。

畫眉序犯

失名

扶病倚南樓。一幅蛟綃自裹頭。怕風吹鬢冷且扁。北牖握齊紈粉汗香流。展湘簾冰肌涼透。嬌鶯乳燕尋儔。覓友狂蜂浪蝶。度花穿柳。怪他偏把芳心逗。

皂羅袍犯

怪把芳心迤逗。頓教人想起舊日根絲。秋波含淚暗珠流。春山翠鎖眉雙皺。思悠悠。冷颼颼。一陣黃梅雨漸稠。

一封書犯

黃梅雨。漸稠。况被君家知道否。捱不去。那愁。眼前無心。上有點點疎螢穿竹徑。淺淺清溪水暗流。控金鈎。紗廚放下。欹枕數更籌。

黃鶯兒犯

欵枕數更籌。對孤燈。廝伴。守情人。要見不能勾。萍浮。遠遊。魚書未收。鴛鴦
夢散。驚蓮漏。心病久。一向藥湯苦口。

集賢伴醉公

藥湯味苦難下口。那人已在揚州。誰料今番。奴出醜。拈班管錦字親修。姻緣
未偶。罵狼毒忒無前後。休忘舊。但願得蚤蚤歸來。過重九。

醉翁子犯

難守。這離情。何曾慣受。負沉李浮瓜。共誰酌酒。知否。撇得人無聊。獨坐。
羞看葵與榴。潺憊。甚日得相逢。織女牽牛。

貓兒墜

人間天上。佳會在初秋。有分終須成配偶。雙環何日大刀頭。無由。他那裏
重婚楚館秦樓。

尾聲

因他飄蕩人消瘦。靜裏思量自覺羞。肯把恩情一旦休。

- ①合題「畫眉着皂袍。」合有總題「閨情。」及「照停雲館樂府舊本刻」小註。②合作「唐伯虎。」
- ③合有曲牌名「畫眉序。」④以上十四字合作「嘆韶光有限難留。恨冤債等閒禁受。」下有「皂羅袍。」曲牌名。⑤合作「羅袍帶一封。」⑥合有曲牌名「皂羅袍。」⑦合有曲牌名「一封書。」⑧合作「一封付黃鶯。」⑨合有「一封書」曲牌名。⑩合作「味。」⑪以上七字合作「冉冉紅英逐浪鷗。」下有曲牌名「黃鶯兒。」⑫以上二字合作「相廝。」⑬合作「踪。」⑭合有曲牌名「集賢資。」⑮與上條同。⑯合有曲牌名「醉公子。」⑰以上三字合作「莫教傷懣。」⑱合作「醉看貓兒墜。」⑲合有曲牌名「醉公子。」⑳以上二字合作「儂愁。」㉑以上四字合作「冷冷清清獨坐。」㉒合有曲牌名「貓兒墜。」㉓合作「心憂。」㉔以上四字合作「牽牛織女。」㉕以上二字合作「休休。」㉖合有曲牌名「畫眉序。」又詞云「早滿天黃花瘦。看看又過重九。」㉗合「尾聲」詞全不同。合云「重九過黃花瘦。他那裏醉偎紅袖。教我扶病登高獨倚樓。」——合有評云：此詞犯體名目。皆譜中所不載。第

其中前后縮合。實有苦心。不忍令作者精神。付之沉沒。故爾錄刻。或亦可備新增一體。其稿悉本之停雲館樂府舊刻。較坊本稍異。讀者辨之。(嶺樵)

步步嬌

王雅宜

一夜梧桐金風剪。敗葉空庭。戰離愁有萬千。夢入蘭心幽。香不變。目斷碧雲天。把西樓東角閒凭遍。

忒忒令

記初見在春風繡筵。又薰遇在夜香庭。院花枝嫋。嬈似趁風兒。顫人叢裏信難傳。又誰知背畫闌。把秋波暗轉。

尹令

自別去心留意眷。再沒處尋方覓便。誰道渡頭重面。還似舊時迷戀。路整。藍橋肯負前生未了緣。

品令

娘行爲何再入武陵源。池亭深處恰是降飛仙。幽期密訂。去留多腴腆。太湖石畔。只恐怕他人瞧見。帶綰同心。共結東林祇樹邊。

荳葉黃

夜深沉漏滴。銀鎖兒。空聯。挽青鸞。翅入重樓。挽青鸞。翅入重樓。親受用香溫。玉軟。一時繾綣。釵橫鬢偏。真箇是水雲中的瀾瀾。真箇是。水雲中的瀾瀾。看遺却花鈿。零落在銀屏錦韉。

玉交枝

舞裙。歌扇。載卿卿。西江畫船。紅衣濕處清波濺。並頭開徹雙蓮。絲絲柳條風渚。牽瀟瀟竹影溪雲淺。擁鴛衾。落月未眠。酒初醒。猶聞嬌喘。

月上海棠

最可憐。歡娛未了生離怨。恨片帆東去甚日重。還。霎時間翠減香消。頃刻裏山長水遠。重發願。願年年相見勝似今年。

江兒水

江水明於練。秋雲薄似綿。奈扁舟飄忽如飛箭。看牀頭翠被餘香捲。囊中秀髮和愁纏。怕睹社前歸燕。何日重來。還向舊家庭院。

川撥棹

詩題絹淚斑斑成翠薛。夜迢迢展轉無眠。夜迢迢展轉無眠。洞房虛孤燈慘然。似枯枝泣露蟬。似風花哭杜鵑。

嘉慶子

腸斷箜篌第五絃。奈萬事傷心在眼前。總風波倏起平川。總風波倏起平川。我中心鐵石堅。願頻頻音信傳。莫教人眼望穿。

尾聲

歸舟有日還重見。那時節錦堂歡宴。銀燭高燒繡帳懸。

①合有總題「秋日懷舊」②合作「梁少白」③合作「廊」④合作「芳」⑤合作「深」⑥合

作「嫵」①合作「搖」②合有「人叢里信難傳」六字③合作「阻」④合作「喜」⑤以上二字合作「是個」⑥合作「衫」⑦合無此字⑧合下有「旋」字⑨合作「帳」⑩與上條同⑪合作「前腔」⑫合作「縱」⑬與上條同⑭以上二字合作「誓把衷」

醉羅歌①

古調

恨殺恨殺無情客。跌綻跌綻鳳頭鞋。幾番①追悔自家呆。②着甚將他愛。燈前月下。佞肩並腮。羅幃錦帳。鸞和鳳諧。把恩情一旦沉東海。山盟誓兩盡埋虧。③心的鑒察有靈台。④

前腔

鎮日鎮日愁無奈。不放不下翠眉開。記得河橋分袂來。一別經多載。想應別惹。閒花野荻。腰肢瘦損。晨昏怎捱。薄情不記得盟言在。新人態似舊懷。可知舊人曾也向新來。

前腔

想起想起春風態無日無日放心懷雁杳魚沉信不來愁蹙雙眉黛是我緣慳
分淺非你情薄意乖阻隔天南地北空自朝思暮猜爲前生做下今生債愁填
臆淚滿腮幾時得歡容笑口到粧臺

前腔

素粧素粧花不戴禁步禁步戶慵開因甚多心胡亂猜枉把奴嗔怪非是相交
一日和你綢繆數載肯把芳心別什難免靈神鑒災如何輕拆鴛鴦帶真和
假難盡解請君一一想將來

●合有總題「閨情」●合無以上二字●以上三字合作「當初一念乖」●以上七字合作「慳
懃害病怎捱負」●以上五字合作「天自有安排」●合作「嗔」●合作「付」

絳都春

王漢陂

情濃乍別爲多才寸心千里縈結吐膽傾心將●海誓山盟曾共設風流●惹
下相思孽●又擔上風花雪月滿懷心情●這離思教我對誰分說

出隊子

花開花謝。花開花謝。又蚤春光陰。漏泄紅新。綠嫩。似錦屏列。觸處繁華都綻徹。嬌嬌嬌。海棠花無心去折。

滴滴金

陽關數曲宮商別。鳳簫聲斷。楚臺程涉。霧鎖黃金闕。夢遶秦樓月。跼。楞瑋絃斷。撲簌的瓶墜。响叮噹。寶簪擊折。咕叮當。把菱花碎跌。

鬧樊樓

尋芳緩步聞鶻鳩。柳畔黃鸝聲弄舌。花飛碎玉成交。野料東君歸去也。傷情慘切。悶無言倦。將簾半揭。此情哽咽。滾滾楊花似雪。

畫眉序

清和傍佳節。蕤館涼生。枕簟設。奈無情來往。戀香蛺蝶。逐荷。風點水蜻蜓。池沼內輕浮新葉。可惜虛度納涼夜。鮫綃上淚痕啼血。

浣溪沙犯

●新蟬噪。聲啞咽。浸冰盤。藕絲堆雪。羅帕上題詩。將心事寫。仗南薰傳信也。●
不思量。舊日冰肌貼。不念●枕上●同懽悅●。不記得同心雙結。竟不想爲薄
情種瘦怯。

三段子犯●

●井梧墜葉。到衡陽。情興別。金英萬疊。遶東籬。丰味絕。●天香散麝。傷秋宋玉
悲何切。盼征鴻在天外。行列煩寄却。魚書雁帖。

鬪雙雞●

紗窗外。紗窗外。桂魄皎潔。銀臺上。銀臺上。燒燈半滅。寶鼎餘香猶熱。西風翠被
寒。蛩韻切。暗數盡。譙樓上。更籌未徹。

登小樓●

嘆嗟。花殘月缺。挨連宵風雨節。姻緣分定。受磨折。幾度思量欲見。爭奈路遠途

賒。

鮑老催

寒侵繡幄嚴威冽。舞鵝毛。飄粉蝶。逋仙探梅閒遊冶。暗香來難尋折。烹茶謾啜。相思擔兒何時歇。漸減桃腮頰。

耍鮑老

懨懨瘦怯。愁和悶。幾時撇。寬褪羅裙摺。粉黛飄香屑。雲鬢亂金鳳拆。展轉形憔悴。只恐鬢堆雪。

尾聲

窗前暗把音書扯。罵薄倖。弄巧反成掘。再不把閒情來引惹。

- 合有總題「四字閨怨。」
- 合作「把。」
- 合下有「空」字。
- 合作「業。」
- 合作「事。」
- 以上四字合無。
- 合作「輕。」
- 合作「深。」
- 合下有「一」字。
- 以上二字合作「滴滴。」
- 合作「關樊樓。」
- 合作「側。」
- 合作「箏。」
- 以上七字合作「簪折。」
- 合作「滴滴金。」
- 合作「外。」

①合作「呈郊」②合作「和」③合有曲牌名「浣溪沙」④合有曲牌名「啄木兒」⑤合下有「我」字⑥合作「簾」⑦合有曲牌名「玉漏遲」⑧合作「三段繡」⑨合有曲牌名「三段子」

●合有曲牌名「繡衣郎」●合用「滴溜子」●合作「下小樓」

十二紅

〔山坡羊〕伴孤燈三更情況，捱剩枕幾番移放。想當初此時共他，撲香肩睡足芙蓉帳。〔五更轉〕到如今，獨自宿，空惆悵。燈兒半滅，半滅銀缸上。你看殘月低沉，又蚤鐘鳴鷄唱。〔園林好〕聽啼鴉林梢曉霜，日弄影花篩紙窗。怕對鏡重添悒怏。〔江兒水〕羞殺胭脂粧，不就桃花模樣。〔玉交枝〕眠思夢想，對朝餐無心去嘗。好花曉怯枝頭放，戴不上昨夜殘粧。〔五供養〕嘆我纔離鴛鴦帳，又蚤見雙飛燕來燕往。起來無半日，淚滴幾千行。怕綉那傷心兩兩鴛鴦。〔好姐姐〕午晌倚樓凝望，人隔着山遙水長，穿梭日影，又過粉牆西向。香閨人寂寞，意徬徨。綉鞋兒雙褪晒西窗。〔鮑老催〕此情慘傷，疎林宿鳥喧夕陽。人歸不似飛鳥忙。〔川撥棹〕想起他虛謊。

不思量歸故鄉。愁殺人傍晚淒涼。愁殺人傍晚淒涼。罵負義虧心薄倖郎。〔嘉慶子〕把燈兒點上銀缸。把燈兒點上銀缸。怕捱過黃昏。又怎當。〔僥僥令〕聽嘹嘹孤雁泣。點點漏聲長。夜靜更深人悽愴。總夢裏相逢魂渺茫。

尾聲

一年未了相思帳。一月月難消磨障。怎禁一日十二箇時辰空斷腸。

●合有總題「曉夜閨情」。又作者署名「陳秋碧」。

八聲甘州

古調

天長地久。倚翠欄。適值黃昏時候。寒鴉飛盡。烟水滿江悠悠。無言對此還自羞。忽聽窗外瀟瀟風雨驟。〔合〕倚樓。嘆時光去也難留。

前腔

悄然獨上高處遊。見四山如畫。無限清幽。湘簾高捲。香霧滾風輕透。澄波渺渺。日夜流。心事如同不繫舟。〔合前〕

不是路

何處鷓鴣聲。啼起教人不忍聞。多愁悶。淚灑西風。只爲卿意騰騰。浮雲踪跡。何時定。曲罷魂消不見影。怎當這。悽涼景。連天芳草恨無憑。教我恍然成病。教我恍然成病。

解三醒犯

見江上許多形勝。數不盡短徑長亭。你聽棹歌聲裏多酩酊。無由禁。那心性。覷那鴉兒噪得。不耐聽。怕只怕。黃昏最動情。身如病。倩東風。將宿酒來吹醒。

前腔

你看舊柴門數間。相掩映。只見流水遶孤村。烟霧凝。那才郎未審何故多薄倖。湘水碧。楚天青。洞簫聲。吹喚起。瑤臺月一輪。心撩亂。心撩亂。却不道都是別樣乾坤。

黃龍滾犯

你看釣魚舟。隨浪滾。釣魚舟。隨浪滾。只見傍水人家。戶半扁。乍見天將暝。乍見天將暝。只聽邊城戍鼓。野猿啼。教我越添愁悶。

前腔

蘆葦岸。蓼花汀。蘆葦岸。蓼花汀。能解閒人有幾人。你看浪鷗眠未穩。浪鷗眠未穩。只見水雲深處。澄波渺渺。數點兀的不是野岸漁燈。

滾遍

數莫孤檠。照見幽欄獨凭。又聽幾箇離羣鴈兒。啞啞的飛過沙汀。山寺送來幾聲清磬。只見人烟寂靜。(合)那時有許多清冷。那時有許多清冷。

前腔

攜琴再整。流水冷冷。只見高山峻嶺。個中名利羽毛輕。智者何勞絃上聲。(合前)

前腔

無憑寫贈。月滿空庭。只見梧飄金井。夜深載月與披星。夜深載月與披星。起向
瑤階閑處行。(合前)

前腔

教誰管領斗柄雲橫。只見銀河耿耿。薄衾單枕冷如冰。薄衾單枕冷如冰。坐對
寒燈眠未成。(合前)

荷葉滿淚船

只見黃花滿徑開。池館紅褪。露濕巾。霜凝鬢。漏滴銅壺緊。天風起。四野畔吹散
了悠揚韻。若得那人同歡慶。此時便是良緣分。

尾聲

鱗鴻不與傳書信。千言萬語總難憑。焉能罷却良宵恨。

梁州序

祝枝山

幽香新染。纖紅嬌露。一段風情誰付。深閨酣睡。鶯鶯燕燕相呼。驚破枕邊孤夢。

番作相思。泪點珍珠。驪別離容易也。悔當初。到處秦樓花柳多。(合)芳草色暮雲度。盼音書。隔在天涯路。三月景。又辜負。

前腔

韶華濃麗。江山今古。彷彿丹青堪覩。遊人如蟻。尋芳競試香羅。爭奈那人不見。暗數歸期。又早清明過。滿懷離恨譜。向誰訴。不覺腰圍寬褪多。(合前)

前腔

煖沙堤。忽見鴛鴦。戲清波。雙雙交臥。正廉纖細雨。溟濛烟霧。爭奈房櫳靜悄。夜色淒涼。試卜燈花朵。幾回推枕起。問嫦娥。何事孤眠怨恨多。(合前)

前腔

好園林。錦綉模糊。薄東風。游絲輕舞。記當時。執手送別南浦。瞬息年華依舊。愁緒縈牽。敲斷金釵股。幾番臨玉鏡。鬢慵梳。無奈懨懨瘦損多。(合前)

節節高

湘雲靜。綺羅捲流酥。依稀嫩柳墻頭護。誰知我攢翠蛾。相思苦。魚分比目銀河阻。錚錚擊得菱花鏡。(合)自惜芳菲褪。紅顏薄命。把咱青春誤。

前腔

冰絃懶去和。燼金爐。彫闌獨倚聽鸚鵡。蕭條戶人影疎。天憐我。沉沉井底銀瓶隨。藍橋水浪祆神火。(合前)

尾聲

良辰九十成虛度。嘆王孫歸期杳無。何日相逢事事可。

字字錦

羣芳綻錦鮮。香逐東風軟。黃鸝弄巧聲。提起傷心怨。覩名園。只見杏障桃屏。桃屏上映着柳眉翠鈿。天天桃花相映卻。●不強似去年。緣何去年。去年人不見。
(合)空蹙破兩眉尖。空蹙破兩眉翠尖。奈山長水遠。知他在那裏。他在那裏和誰兩箇。瀟瀟洒洒。歡歡喜喜。●這裏思思想想。心心念念。我欲待見他一面。

前腔

梅黃雨霽天。漸覺南薰轉。聲聲噪柳蟬。對對飛梁燕。盼庭前。只見照眼葵榴。葵榴上映着紅顏似染。難言。鴛鴦並頭。怎不教人可憐。知他共誰。共誰相留戀。

(合前)

不是路

離緒慟慟。悄沒箇人兒在眼前。空嗟怨。何年何日再團圓。恨綿綿。極目關山隔霧烟。寫下花箋誰與傳。尋思轉。天涯蕩子何時返。怎生消遣。怎生消遣。

鵲踏枝

南樓外。雁翩翩。南樓外。雁翩翩。悄沒箇。信音傳。只聽。長空敗葉飄零舞。金風動。金風動。鐵馬兒聲喧。紗窗外。透銀蟾。(合)真箇是惱。殺人也天。悶。殺人也天。短行冤家。短行。冤家。音稀信杳莫不是負却盟言。

前腔

彤雲布朔風寒。遍長空柳。飄綿又見幾樹老梅開綻蕊。銷金帳。銷金帳。共誰兩箇同懽宴。空教人獨坐獸爐邊。(合前)

尾聲

終須有日重相見。相見後依然懽忭。辦炷明香答謝天。

●合有總題「聞思」●以上三字合作「隱約可」●此四字合在「瀟瀟洒洒」上●以上七字合作「關山極目情無限」●合無以上六字●合無以上二字●合作「想」●合作「盼」●合作「行短」●合作「起」●合有「絮」字●合無此字。

喙木兒

文衡山

秋歸後。月正明。露冷芙蓉蛩亂鳴。向閒庭悶理瑤琴。嘆離情怎效文君。粧台懶臨。塵蒙鏡。黃昏幾度愁欹枕。淚伴殘燈漏徹聲。

前腔

停針綉倚畫屏。淚染羅衫恨怎禁。鴈嘹唳。怨過南樓。奈衾寒夢也難成。孤燈明。

滅添愁悶。金猊懶熱。沉烟冷。可惜嬋娟萬里清。

三段子

叮嚀志誠頓忘。却臨行傳粉盟。香也焚。枕邊言說。假道真。料應他別戀歡娛景。
將奴拋閃成孤另。枉自迴腸九轉君。

滴溜子

黃昏後。黃昏後。慘然怎禁。湖山外。湖山外。望空禱神。怕有隔牆人聽。低聲告老
天。早賜團圓歡慶。休似襄王。夢斷雨雲。

尾聲

庭梧敗葉飄金井。露滴鴛鴦瓦冷。何處砧敲斷續聲。

二郎神

王雅宜

靜悄悄。乍睡起。無言心暗焦。兀坐擁羅衾。寒尙峭。東風猛地吹破天桃紅。小燕
子還來尋舊巢。待那人黃昏來到。合惡年少。真個是負却千金一刻春宵。

前腔

輕拋韶光。轉眼清明過了。鎮日何曾開口笑。別後佳期。暗數千遭。鍼指工夫都廢了。這真情。惟天可表。(合前)

集賢賓

西廂待月香倦燒。且謾飲香醪。百結愁腸不禁澆。酒醒後。依然煩惱。孤燈自照。照得人形容枯槁。(合)空懊惱。這薄倖那曾知道。

前腔

綉窗未晚。粧台未曉。最苦是此際難熬。月色梨花懸素縞。不由人不粉褪脂消。心中自料。早不合情緣忒好。(合前)

黃鶯兒

風雨篆烟飄。聽流鶯過柳梢。分明求友聲聲巧。帳捲鮫綃。環彈翠翹。強眠又被人驚覺。(合)更無聊。朱顏未老。先向鏡中凋。

前腔

情緒萬千條。亂如絲。似柳搖。相思欲寄無鴻到。歡娛已撓。恩情怎拋。枕邊長聽
冤家叫。(合前)

貓兒墜

悠悠漾漾。魂夢斷。藍橋淺。淡眉峯。懶去描。無心珠翠逞春嬌。(合)非遙也。只是
一水天涯。萬事難招。

前腔

斑斑點點。情淚濕鮫綃。瘦損何人惜楚腰。倚闌顛望眼成勞。(合前)

尾聲

多情不日音書到。滿腹春愁須記着。因此假意真情都混了。

畫眉序

劉東生

花下見妖嬈。彷彿仙姝離蓬島。看眉橫翠黛。臉暈紅桃。步香塵羅襪輕盈。歌麗

曲鶯聲嬌巧。見人未語先含笑。朱唇淺。破櫻桃。

黃鶯兒

楊柳門纖腰。露春蔥十指嬌。琵琶撥盡相思調。能詩賦。薛濤。養江東小喬。雙生何必尋蘇小。鳳鸞交。偎紅倚翠。無福也難消。

集賢賓

也曾焚香告天把蘭麝燒。也曾詩句兒寫滿。鮫綃。也曾向芍藥欄前開鬥草。也會在月下吹簫。他有文君雅操。正遇着相如才調。同傾倒。相隨稱。月夕花朝。

貓兒墜

千金一刻難買是春宵。白髮相催人易老。貴人頭上不曾饒。今朝。典却鸚裘。解下金貂。

尾聲

一團嬌紅迎俏。鎮日裏追歡買笑。只恐人老花殘空懊惱。

●合有總題「麗情」●合作「虞竹西」●合作「綻」●合作「似」●以上五字合作「把詩寫」●合作「趁」●合上有「琥珀」二字●合下有「不如」二字。

十樣錦

無名氏

〔繡帶兒〕幽窗下沉吟半晌。追思俏的嬌娘。娉婷態不弱似鶯鶯。妖嬈處可比雙雙。〔宜春令〕非獎。●最堪誇。●性格非常。●難描。●身材生得。●停當。說不盡。風流可喜萬般模樣。〔降黃龍〕相當時。●月下花。●前吐膽傾心。把誓盟深講。行思●坐想。●盡老今生和你。●同做鸞鳳。〔醉太平〕誰想。●驀然平地波浪生。●信知道禍從天降。霧迷煙。●障。被百。●摩。●苦苦打散鴛鴦。〔浣溪沙〕情慘傷。●心悒快。●閣不住淚珠汪汪。勞神役夢正端詳。●忘餐廢寢思又想。設計施方要見難。●除非是夢兒裏。求到伊行。〔滴滴金〕●憐香惜玉相偎傍。尤雲殢雨同鴛帳。被數聲疏雨。●敲窗散高唐。春心蕩漾。●鮑老僮。此情怎當。●羅衣尙存蘭麝。

香銀牋枉寫離恨章人不見枉。嘆息空惆悵惱得潘郎兩鬢似霜。〔上小樓〕
他那裏因咱曠蕩。咱因他痛感傷。幾番欲待。不思量。待要不思量。後
怎做得鐵打心腸。〔雙聲子〕姜淹悶。韓生忿。怎比得咱家。愴〔鶯啼序〕千
般事纔離却。心上又蚤攢蹙眉尖。天還可憐。便咫尺相見。又且
何如意不盡。情人蚤得同鴛帳。免使人心勞悒悒。辦炷盟香答上
蒼。

- 合有總題「惜別」●合作「元詞」●以上二字合在令名上●合下有「他」字●以上三字合
作「兒溫柔」●合下有「畫他」三字●合無以上二字●合無「時」字●合作「星」●合作「攜」
●上一字合作「兩願」●合無以上二字●以上三字合作「浪波揚」●合作「云」●合作「冤」
●合作「魔」●合作「悽」●合作「快」●以上四字合作「思意倉皇」●以上十字合作「徒
懸望。要見無由百計忙」●合作「啄木兒」●以上八字合作「多歡暢。那禁敗葉」●以上七字
合作「驚分天一方」●合作「忘」●以上三字合作「何在護」●合作「下」●以上二字合

作「咱這」①以上三字合作「他狂蕩」②合作「咱」③合作「拚却」④以上六字合作「欲待將他丟放」⑤合作「江」⑥合作「恨」⑦合作「怨」⑧合作「了」⑨合下有「來」字⑩合作「傍」⑪合無以上二字⑫合有「愁狀」二字⑬合作「教他」⑭合無以上二字⑮合作「妨」⑯合作「尾聲」⑰合作「我」⑱以上三字合作「意攘燕」四字。

鶯啼序

陳秋碧

孤幃一點將絕。燈忽地半滅。猶明夜迢迢。斗帳寒生。展轉幽夢難成。盼雕鞍把歸期暗數。恁浪跡全無定准。把前情自忖。說來的話兒無憑。

黃鶯兒

無語對銀屏。正譙樓鼓二更。梅花不管人孤另。疎鐘幾聲。殘角又鳴。薄衾單枕。愁難聽。瘦伶仃。懨懨病骨。離恨教我怎支撐。

集賢賓

椰榆鬼病誰慣經。但舉步難行。翠鈿金釵無意整。好梳粧一日何曾。心懸意耿。

自古道佳人薄命淒涼景。盼不到美滿前程。

鬥雙雞

芙蓉面。芙蓉面。泪痕怎禁。楊花性。楊花性。別離太輕。自是東君薄行。一樹紅芳。
教誰管領。浪蝶狂蜂。休要鬥爭。

簇御林

天涯路。長短亭。怨王孫。芳草青。晝長羞把欄杆凭。幾番暗把鱗鴻倩。訴衷情。千
言萬語。猶恐欠叮嚀。

貓兒墜

野花村酒。他那裏醉還醒。冷落誰憐冬暮景。奴耽寂寞恁飄零。薄情不記花前
月下。海誓山盟。

尾聲

風流惹下相思病。只索把那人癡等。他沒真情我須辦至誠。

●合有總題「閨情」○以上二字合作「殘」○合下有「然」字○合無此字○合作「省」○合
無以上二字○合作「滴溜子」○以上五字合作「紅英空自芳」○合上有「琥珀」二字

梁州序

沈青門

●朱明佳景綠陰清晝盡日飛花鴛鴦夢驚芳草風簾搖拽金鈎正是屏山人
悄沉水煙消此際堪憔悴楚天人共遠謾凝眸倚遍西江十二樓(合)●春已
盡愁如舊怕黃昏寂寞難消受懽會少別離又

前腔

斜陽芳草淡烟疎柳又是棲鴉啼後悶來無語憑欄暗識○歸舟空有藍橋心
約紅葉情詞底事成虛謬舊遊人在否水空流雲鎖當年望月樓(合前)

前腔

嘆巫峯雨歇雲收恨陽臺釵分鏡剖記臨歧執手淚盈衫袖只恐關河迢遞落
日長堤千里空回首相思分兩地恨悠悠辜負今宵月滿樓(合前)

前腔

立斜暉目斷荒丘倚危樓聽殘寒漏浸紗廚月冷斷魂時候記得前春遊賞月下花前有箇人携手揚州孤夢破倦追遊更與何人上翠樓(合前)

節節高

花間鶯燕儔動離愁孤鸞羞舞菱花剖相思久恨未休人消瘦羅衣寬褪芙蓉釵鮫鮪不禁啼痕透(合)但願延平劍再逢珠還洛浦圓如舊

前腔

瑤臺月影收露華浮看江空夜靜天啣斗頻搔首徹夜愁濃如酒⑤香消寶篆寒金獸誰憐獨擁鴛衾宿④(合前)

尾聲

分離不似今番驟望斷煙波萬頃秋愁滿天涯無盡頭

①合有總名「閨怨」②合有曲牌名「梁州序」③合有曲牌名「賀新郎」④以上二字合作「錯

認」合下有「在」字。以上四字合作「自個空憊憊」五字。

懶畫眉

沈門青

錦亭中。驚覩玉飛仙。粉臉堆春鬢影偏。嬌歌一曲韻清圓。好似風搓不斷驪珠串。暗覺得羞却啼鶯華柳間。

桂枝香

翠紗裁扇。銀蝸新篆。誰教半掩芳容。故把秋波隔斷。見香唇笑開。見香唇笑開。一似小桃初綻。蕊心紅嵌。俏嬋娟。怎當得頻留顧。令人幽思牽。

前腔

玉容梅襯。絳唇桃印。翠粘九暈。輕鈿綠映。宮鴉雙鬢。偶回頭笑生。偶回頭笑生。更有百般丰韻。教意狂難禁。暗沉吟。他好似一片巫山月。東風雪後雲。

玉胞肚

綠雲堆鬢。臉生霞。脂香淡勻。貼宮梅。粉點初乾。染春山。翠烟猶嫩。臨風歡笑不

勝春疑是梨花月下魂。

催拍

金鎖帶玲瓏玉牌。翠珠搖芙蓉寶釵。喜孜孜走來。俏動猩裙。俊滿桃腮。疑是朝
寶偶下陽臺。全沒有半點塵埃。只見花落處。印弓鞋。

黃鶯兒（美姝隔窗）

俺只道秋浸芙蓉。却原來透窗紗臉暈紅。朦朧相對。渾如夢。又不是雲山幾重。
怎說與離情萬種。只見綠柳烟裏花枝動。總相逢。澹雲籠。月在廣寒宮。

玉芙蓉

簧調學鳳笙。臺臥樓鸞鏡。倚珊瑚剩枕。多少傷情。流鶯啼斷紅窗靜。翠冷金鵝。
六曲屏。因春病。春愁未醒。怎禁他夢魂中。偏送賣花聲。

黃鶯兒

紅雨送前春。冷淒淒別院深。落花滿地青錢印。愁重幾句。心牽那人。粉容憔悴。

銷丹暈。最傷神。無情杜宇。啼遍野堂陰。

前腔

春事又闌珊。峭。東風苦弄寒。粉烟亂撲茶麝院。蜂兒陣攢。蝶兒對翻。鶯兒只管
枝頭轉。好心酸。相思瘦減。獨自倚欄杆。

前腔

金井露生涼。染梧桐。葉半黃。傷情羞覩芙蓉放。依殘麝香。樓空畫梁。愁來暗覺
如天漾。細思量。天猶較短。誰似這愁長。

前腔

玉鴨寶香噴。荔枝漿。翠碗溫。春酣繡閣人初困。紗窗影陰。蘭膏焰新。犀紅枕冷
誰揪問。恨難禁。東風不管。吹碎海棠心。

排歌

鳳口啣鈎。蟬鬢驪簾。銀盤篆冷。沉烟相思。斜倚繡床前。線斷紅絨。懶再穿。心勞

攘思掛牽。不知人去幾時還。花銷粉。柳釀綿。杜鵑聲裏又春殘。

前腔

鶴帳香消。鸞燈影斜。淡雲欲破窗紗。月殘池底漾金牙。高柳朦朧忽噪鴉。神相
倦。夢轉賒。亂隨蝴蝶繞天涯。牽雲緒。滴露華。不知何處是吾家。

前腔

綠颺鶯枝。紅翻燕塵。小樓人倚殘春。杏花開後到如今。暗覺相思病漸深。裁冰
絮。染翠雲。傷情愁對白頭吟。銷香暈。褪粉痕。不禁長日柳眉顰。

玉胞肚

寒庭秋老。粉香愁。芙蓉半凋。兢西風。脆剪霜紅。墜瑤堦。不翻殘照。題詩欲寄楚
天遙。淚血空沾白玉毫。

吳騷集大尾終

中國文學珍本叢書
第一輯 第三十一種


中華民國廿五年四月初版

吳騷集

普及本實價二角五分
特印本實價二角五分

編撰者 王百穀
校點者 阿蠶
主編者 施葉山
發行人 張靜廬
總經售 上海雜誌公司

上海總店：四馬路三二四號
廣州支店：永漢北路二二九號
南京支店：太平路二四八號
雲南支店：土主廟街四七號
成都支店：華興街
漢口支店：湖北路中



初版本1——2500本

